



12233

名家詞鈔目錄

廬陵 聶先 晉人

國朝
藏定

大清
書館
藏

長水 曾王孫 道扶

映竹軒詞

遂安 毛際可 會侯

浣溪紗

減水木蘭花 三調

卜算子

謁金門

清平樂 四調

眼兒媚

朝中措

海棠春

名家詞鈔 映竹
目錄

南鄉子

鵲橋仙

踏莎行

蝶戀花 二調

蘇幕遮

青玉案

東風齊着力

滿江紅 三調

鳳凰臺上憶吹簫

水調歌頭 二調

金菊對芙蓉

念奴嬌 四調

木蘭花慢

水龍吟

綺羅香

沁園春

金縷曲

映竹軒詞

遂安毛際可會侯

浣溪沙

雪夜

不夜簾垂寶篆銷。辟寒釵插鈿珠搖。凝冰脂水倩郎調。風定鶴巢飄碎羽。夜深鮫室剪生綃。梅花誰伴可憐宵。

減字木蘭花

早梅

晚煙似墨。數點乍浮窗外白。誰扣簾櫳。小試熏桃染柳風。折來閒嗅。香束膽瓶清影瘦。天意衝寒。想到

名家詞鈔 映竹

調羹齒已酸。

前調 寄懷王丹麓

伊人何處。淡柳書房臨北渚。十載幽懷。倒屣爭傳王粲來。珊瑚作架。綵筆雞林應長價。獨繭抽絲。嫋嫋新聲譜竹枝。

前調 閨情

描花無力。可奈小姑催夜織。懶掠雙鬟。亂髮垂垂壓遠山。不眠况味。及到高春扶未起。誰信征鴻。客歲書來又一冬。

卜算子 別諸虎男

幾日送春歸，飄盡簷前絮。惱亂遊絲百尺長，難挽遊人住。君定倚層樓，極目前山路。煙外疑余尚泊舟，却向禾中去。

謁金門 夏間

雛燕轉。雨過綠槐如染。小徑行來蓮印淺。新苔添數點。簾上鰕鬚半捲。旣內鳳團初碾。瞥見檀郎還覩。覩。衫輕微露腕。

清平樂 春思

催春去也。不放些兒假。縱使將春闌住者。無奈牡丹都謝。閒愁對鏡難忘。臨池試照新粧。同是水中人影。去年還自雙雙。

前調 冬夜禱黃兄宅聽新歌作

霜寒如許。燭燄紅偏吐。預借春光來作主。聽得輕鶯雙語。新詞幽恨無涯。聲聲顫落榷花。我欲徘徊起舞。漫教淚溼琵琶。

前調 鄒黎眉畫花鳥見貽

邊生往矣。花鳥誰驅使。粉抹脂塗安足擬。更把墨痕

都洗。畫圖何處。曾披依稀。記得年時。似在東風。庭院。枝頭打起黃鸝。

前調 春愁

落花時節。和淚飄紅雪。畢竟淚流無斷絕。不似飛花先歇。春愁百計難醫。醫時怕笑情癡。除是花長不謝。與郎同燃花枝。

眼兒嬌 別緒

蛾眉誰不鬪嬋娟。若箇似卿妍。粧成自許。除非鏡裏。或是池邊。無端忽作經年別。腸斷寄來牋。愁心訴與。霜天寒角。雨夜啼鵑。

名家詞鈔 映竹

朝中措 送徐華徵姪婿

新詞三疊唱陽關。別淚灑衣斑。辜負一湖春色。征鞭遙指長安。壯年行樂。紅樓玉枕。紫陌金丸。須記謝庭賦雪。歸來莫待冬殘。

海棠春 相思鳥

文禽宛頸稱仇匹。那忍便暫時相失。離恨此間無。如殺鷓鴣翼。佳人何事傷心臆。却一見粧痕暗溼。恐礙合歡時。更教籠篋寬織。

南鄉子

雨過石梁橋感懷

宿霧黯難收。初夏涼生似晚秋。客淚青衫原自滴，無
休。細雨還添一倍流。少壯漫回頭。上苑花開與勝
遊。廿載升沈猶故我，悠悠。却羨漁蓑片葉舟。

鵲橋儂

晚浴

青絲半挽羅襦乍解。恰趁房櫳初靜。何須豆蔻煮湯
溫。羨粉汗微微香凝。芭蕉滴雨。梧桐翻露。窗外似
來入影。喚回小玉。自垂簾。恐費卻檀郎金餅。

踏莎行

哀柳

名家詞鈔 映竹

四

露冷霜欺。輕黃欲墜。楚腰不似當時麗。向來嬌嬾帶
三眠。今朝一味瞢騰睡。數點寒鴉。代予愁思。似云
華髮人如此。擬將情淚潤枯條。六橋盡是傷心地。

蝶戀花

別王丹麓

馬迹車塵何日了。不分啼鴉。只解催歸好。楊柳條長
飛絮少。離情一夕和春攪。北墅高樓芳樹杪。愁唱
驪歌。酒罷天初曉。頃刻杭州煙渺渺。回頭殘月如燈
小。

前調

言愁

桂魄淒涼寒玉宇。顧影無憀。影也添淒楚。爲月不眠情更苦。明宵願下廉纖雨。待欲銷愁斟綠醕。酒盡愁生。畢竟愁爲主。天上寄愁愁可去。天孫正別銀河渚。

蘇幕遮

閨情

蚤○春○天○連○雨○夜○欲○寄○征○衣○幾○度○裁○還○罷○肥○瘦○近○來○無○定○也○前○歲○相○偎○記○妾○腰○微○窄○寶○鉞○連○金○斗○砑○短○尺○機○頭○襯○上○生○香○帕○一○色○縫○成○全○沒○罅○只○有○啼○痕○點○點○應○難○化

名家詞鈔 映竹

五

青玉案

冬閨

彈○箏○銀○甲○寒○初○卸○始○覺○得○孤○眠○乍○靜○裏○更○籌○都○數○下○司○天○無○準○雞○人○貪○睡○竟○把○年○成○夜○梅○花○幾○日○開○還○謝○酒○汎○屠○蘇○爲○誰○把○兩○地○情○悰○全○沒○假○昨○宵○書○到○小○姑○偷○看○說○向○人○前○怕

東風齊着力

送徐武令北上

桃○萼○辭○紅○萼○絲○凝○碧○節○近○清○和○武○林○門○外○風○便○向○嘉○禾○故○遣○髯○徐○北○去○西○陵○社○意○况○消○磨○陽○關○唱○聲○遲○三○疊○暫○爾○延○俄○燕○市○近○如○何○酒○人○內○能○尋○幾○個○荆○軻

悲歌慷慨誰共醉顏酡。我亦依劉數載。因君別喚起
愁多。淡秋後無憑音問。寄雁來。歷

滿江紅 催菊

菊過重陽。人都道。秋香將歇。怪此歲。黃花作態。尚含
嬌怯。冷蓼素蘋隨逝水。芙蓉又被霜催折。歎無端。爽
了隔年期。飛黃蝶。看花眼。凝望切。天工意。憑誰說。
想因余愁病。另留佳節。縱有白衣能致酒。東籬空對
青青葉。遶荒園。除是報君知。明晨發。

前調

過王丹麓震舉堂讀峽流詞有贈

名家詞鈔 映竹

六

讀罷新詞。掩卷後。濤聲猶怒。似縮取。瞿塘萬里。湧流
毫素。巫峽巫山雲似錦。垂楊垂柳春如霧。論風流。不
減楚臣才。高唐賦。居近市。山林趣。堂帶郭。烟霞聚。
更簷淋滴盡。梅英初吐。白社誰知歸計好。青鞵自悔
浮名誤。怕重來。花下問漁舟。迷歸路。

前調

夜過釣臺地近臯羽墓

日暮孤征。新綠遍。小洲芳杜。湖急瀨。頻催兩槳。富春
東路。七里澄光天共水。客星倒挂懸崖樹。更休云物
色。爲羊裘。虛名誤。雲臺彥。羞漁父。銅柱績。鷺鷥侶。

任帝增於往狂奴如故傲骨誰能官諫議流風尚自
矜厨顧問溪西清節有誰鄰高人墓

日暮鳳凰臺上憶吹簫

咏美人彈琴

八

榴藥紅新桐陰綠遍雙成謫下瓊樓看斜揜羅袖素
腕輕柔厭殺秦箏羌笛都付與搽粉虞侯深宵後音
調律呂玉軫頻抽嬌羞對人不語只微吟淺綽密
意相兜問盈盈四座誰博雙眸知我客愁堆積故彈
作宋玉悲秋從今別七條長線繫着心頭

水調歌頭

贈吳天章

名家詞鈔

映竹

七

寒氣颯然至晴色照冰河紛紛車馬闐咽懷刺獨延
俄不信長安道上一味行踪歷落如我與君多得酒
且爲樂明日又重過新句好君偃卧我吟哦老拳
按拍何須還付雪兒歌忽爾金戈鐵馬無論亂頭粗
服格律薄元和李白夜臺起餘子幾人麼

前調

過虞姬墓

八

日暮漢兵合決絕意如何惜龍泉劍三尺頸血濺春
羅莫道拔山力盡尚有閨中俠氣凜凜未消磨明日
烏江渡爭似此時麼一杯土千古在我重過斜陽

影裏欲尋殘碣更摩抄。不比長陵妖后。追逐重瞳軍
內爲質。歲時多原上英靈草。起舞爲誰謔。

金菊對芙蓉

贈顧修來吏部

花欲飄茵。柳將墜絮。韶光幾日東風。正賓朋寥落。屐
齒塵封。多時趵突泉邊過。嘆獨遊吟興全慵。無端憑
弔。當年盛事。白雪樓中。豈意此地。過從問騷壇。誰
霸屈指惟公。更家鄰泰岱。相約扶筇。重來登眺。知何
日。休辜負。漢碣秦松。海島初陽。吳門匹練。放眼長空。

念奴嬌

新霽湖心亭

名家詞鈔

映竹

八

寒霖開霽。喜典衣沽酒。百錢初足。瀉影浮光三百頃。
染就一湖醞醖。鮫室清虛。蜃樓奇麗。不似居華屋。倚
闌長嘯。日空今古榮辱。何虛聯袂佳人。尋芳拾翠。
畫舫頻移日。衰柳垂隄。還拂水欲與弓眉鬪。曲豈識
經時霜風憔悴。遠逐三春綠。物猶如此。夜遊須秉華
燭。

前調

甲寅秋移家避寇西陵吳慶百以詞訊
余近狀率爾賦答

千戈滿目。問誰人手挽。天河淨洗。画棟雕楹皆一炬。
林木明年燕壘。匿影山隅。沈踪水畔。生死須臾耳。更

闌秉燭。舉家驚定還喜。遙望形勝錢塘。鬱蔥佳氣。
舟楫浮江。汎荆棘故園無可問。却傍孤山梅蕊。兒女
顛連。齋厨蕭索。迹與鷓鴣比。不如且飲。中山醉日能
幾。

前調

長夏客李良弼署齋述懷

青齊朱夏。正火雲未散。飛禽斂翼。疎柳深槐相掩映。
移入水天秋國。鄴下詞流。西園名士。咄咄來相逼。君
苗焚硯。問誰此意能識。自嘆天末孤踪。風塵歷落。
舉步皆荆棘。百尺樓頭豪氣在。龍性如何馴得。慷慨
彈箏。悲涼說劍。酒泛玻璃色。不如且飲。斯人竟已頭
白。

名家詞鈔

映竹

九

前調

壽朱攸仲

騷壇今日。是何人手挽銀河淨。洗歷下雲間非故轍。
裘馬翩翩而已。險韻天驚。長吟泉湧。君與漁洋爾。唐
家韓孟。當時風味如此。還憶侍浴湯泉。陪遊上苑。
年少真華俊。把筆題詩原未晚。却滿香名人耳。春草
池塘。白雲官舍。酒汎珊瑚紫。鸞簫吹徹。年年盡醉花
底。

木蘭花慢

朱萊襦招飲賦贈

問韶光九十。何處度。客中消。恰鶯舌輪簧。蝶衣褪粉。春去難招。主人多情投轄。向花前選伎。列妖嬈。歌榭還遮翠幙。舞裙特綴紅綃。三齊遊倦。正無聊。雙髻漸蕭蕭。也隨分追歡。循聲按拍。卽席揮毫。胸中幾多。硯礪。嘆瓊漿百斛。總難澆。更有簷前皓月。勸余莫負良宵。

水龍吟

望銅雀臺

垂楊一帶長隄。而今又着征衫。到宿雲未捲。晴光猶

名家詞鈔

映竹

十

歛。三臺縹緲。往日尊罍已成陳迹。電馳風掃。只漳河似舊。綿綿徐逝。因甚不辭昏曉。豈嘆時光易邁。嘆當年阿瞞衰老。分香人去。空留遺令。西陵荒草。說甚三分。長江沉鎖。陰平通道。算將來總歸子虛。烏有爲誰忙了。

綺羅香

思古堂雅集

竹粉黏殘。榆錢買斷。誰肯放春歸去。莫惜樽空。門外酒帘頻舞。冰椀內。藕雪微香。翠盤裏。蓴絲初縷。笑無端。太史占星。元來盡是酒徒聚。嚴城清漏漸永。相

對年華晚。頭顱如許。獨有髯徐。還愛小姬眉嫵。休悵
歎故里荆榛。且追歡他鄉賓主。一觴後。今昔都拋。怪
蘭亭太苦。

沁園春

寄懷夏樂只

所謂伊人。傾蓋相於。懷抱悠然。喜樓依葛嶺。光浮紫
翠門。臨湖溜。韻叶絲絃。此日通翁前身。摩詰。長嘯聲
疑鸞鶴。騫君休矣。任名場虎尾。利數蝸涎。於今更
慕林泉。問卜築幽區。第幾塵。向巖光瀨下。平分釣鯉
謝。翺墳側。共哭啼鵑。天放閒人。地行仙。容不必丹砂。

名家詞鈔 映竹

十一

引大年。還堪羨。蕭蕭素髮。微映朱顴。

前調

宿雲巖山房贈唐殿宣昆季

策杖名園。巖屏深掩。徑闢三三。喜鷓聲可聽。耳逢鍼
砭。石峰空拜。腰嬾朝叅。曲徑幽池。小亭疎榭。更有飛
樓納遠嵐。徘徊久。且脫冠挂壁。任髮鬢。莫嫌屐
齒頻探。問點筆題詩。日幾箇。更松陰對酒。光浮縹碧。
苔痕染袖。色映深藍。傲吏閒身。狂奴故態。世法應知
七不堪。無猜也。且我眠君去。一枕初酣。

王珣湖顯曰每讀映竹軒詞羅羅清疎令人入

勝紅杏枝頭春意鬧未免烟火氣矣

方渭仁象瑛曰毛子會侯夙著名山之業早懸國

門之書偶爾摘詞便同蘭畹暇時選韻無異金

荃允稱樂府元音洵是花間絕調

周冰持雅廉曰會侯先生過雲間留十日日與諸

名家命題拈調為文酒之會不謁當事不受餽

遺遊九峰三泖興盡而返余時客燕未獲躬預

其盛歸而知之此等詞人先達真寰宇中罕覯

名家詞鈔 映竹

十一

也因悉其尊前酒邊之作益知先生才敏思新

綺艷秀逸有非今人所能道

水林派曰會侯先生...

荃允稱樂府元音...

門之書偶爾摘詞...

文...

魏...

王...

名家詞鈔目錄

廬陵 聶先 晉人

纂定

長水 曾王孫 道扶

玉鳧詞

華亭 董俞 蒼水

憶江南 八調 如夢令

浣溪紗 五調 畫堂春 二調

眼兒嬌 桃源憶故人

少年遊 雙調望江南 七調

名家詞鈔 玉鳧

鵲橋仙 南鄉子 虞美人

踏莎行 二調 臨江僊

漁家傲 瑤臺第一層

鳳凰臺上憶吹簫 水調歌頭

百字令 花犯

二郎神 水龍吟

綺羅香 沁園春

賀新郎

玉鳥詞

華亭 董 俞 蒼水

江南好。最憶石頭城。孫楚樓邊春繫馬。莫愁湖畔夜
彈箏。佳麗勝西京。

前調

江南好。其次憶蘇州。笠澤潮生春網急。楓橋雨細曉
鐘愁。遠嶠翠煙浮。

前調

江南好。虎阜更如何。短簿祠前羅襪淺。真娘墓上繡
茵多。夜月聽笙歌。

前調

江南好。攜手慧山傍。三月鶯花歌舫密。半巖風雨碧
泉香。玉枕試瓊漿。

前調

江南好。鐵甕暮潮喧。瓜步秋風殘堞隱。金焦夜雨大
江寒。北固路漫漫。

玉鳥詞 前調

名家詞鈔 玉鳥

一

江南好。白苧景偏奇。短榻夜山聽鶴唳。被衣秋渚採
蓴絲。幽絕令人思。

前調

江南好。江北憶維揚。舊苑瓊花香雨斷。畫樓檀板碧
蟾涼。往事最難忘。

前調

江南好。西去是嘉禾。千尺畫樓寒樹外。斷煙依舊鎖
南湖。雙漿一漁簑。

如夢令

放懷

名家詞鈔

玉皇

二

久擬結茆巖穴。便可長拋一切。底事爲飢驅。消受江
花嶺月。愁絕愁絕。那得稱心時節。

浣溪紗

夏景

落日涼颼曲檻南。紅蕉初展燕呢喃。碧厨水簟酒微
酣。茉莉暗藏鏤玉枕。葡萄輕染薄羅衫。笑偎蓮臉
不知慚。

前調

贈會稽劉生婦雲和子四絕

麗。最晴窗花影垂。新茶潑乳瀉縹瓷。偶拈銀管蘸琉
璃。青簇晚山輕似髻。綠浮春水細於絲。江南小景

勝徐熙

畫

前調

百寶欄前暑氣清。牙羅衫薄茜裙輕。枕痕一線夢初醒。閒看綠窗消蕙炷。自描紅玉作棋枰。重圍誰爲解劉生。

棋

前調

細楷吳綾點漆螺。微吟釵溜綠雲窩。年來詩句斷腸多。封鏡漫裁金縷曲。背人偷和竹枝歌。春心一寸奈愁何。

詩

前調

靜院幽思半不禁。冰泉滿匣瀉瑤琴。阿誰知得此時心。碧沼雨餘啼鳥寂。繡簾風細落花深。小窗彈罷獨沉吟。

琴

畫堂春

詠美人足

鳳頭低露畫裙邊。繡幫三寸花鮮。凌波何幸遇嬋娟。瓣瓣生蓮。恠殺夜來狂甚。溫香一捻堪憐。玉跌褪盡軟行纏。被底燈前。

前調 詠美人目

銷魂全在眼波秋。盈盈怕見春愁。暮江人杳正疑眸。
粉淚難收。密意燈前頻送。幽情扇底微鈎。繡幃斜
脫半含羞。別樣風流。

眼兒媚

重過維揚

亂蟬衰柳泣。和溝。舴艋是重遊。青山不改。紅蕖將吐。
白了人頭。數聲畫角殘陽裏。羈客易悲秋。多應惹
起。十年舊夢。一片閒愁。

桃源憶故人

別愁

玉驄宵住人難住。漠漠征塵何處。只有芳魂似絮飛。

名家詞鈔

玉鳧

四

向陽關路。綠蕉影裏雙鬟語。夢斷風流無據。屈指
鳳城人去。幾度紗窗雨。

少年遊

江景

白蘋古渡。丹楓遠寺。好景正深秋。暮嶺重重。寒霞片
片。江路去悠悠。羈遊汗漫。寸心千里。回首不勝愁。
漁寺歌殘。柳橋人散。涼月伴孤舟。

雙調望江南

和尚木潮州寄懷原韻二首

江南憶。猶憶舊繁華。絳蠟三更。偃芍藥。紅螺百戩。聽
琵琶。腸斷賦梅花。人何處。遠宦隔天涯。鸚鵡薄嵐。

愁度嶺荔枝殘月醉思家山城衙鼓擗

前調

江南憶銀管擅風騷魯國靈光推第一高唐麗句總
魂消煙月妬妖嬈知何日綠醕共良宵學嶺人歸
桃葉渡澱湖花滿木蘭燒丘壑儘逍遙

前調 楓橋夜泊

楓橋路煙水正迢迢欲向東君尋舊約渚花巖月兩
無聊孤負是春宵人何在獨倚赤欄橋遙憶去年
櫻笋候畫船紅燭聽吹簫往事更魂銷

名家詞鈔 玉島

五

前調

爲友人悼歌姬

江南好煙景媚晴川柳絮滌雲寒食節杏花春雨袂
衣天腸斷畫橋邊初相見碧玉破瓜年半餉幽歡
疑夢裏幾番私語避人前嬌小最堪憐

前調

江南好驀遇曲欄邊弱柳作腰長自顛天桃靨面益
生妍一笑更嫣然留歡住雙跪佛龕前銀臂不忘
同死約癡情還想再生緣私誓兩心堅

前調

江南好。人在畫船中。桃扇半欹眉黛嫵。杏衫初卸粉香融。洛浦降行踪。尋芳去。欸乃夕陽紅。屬玉雙飛春恨淺。丁香百結暮愁濃。相憶忽相逢。

前調

江南好。六曲畫屏開。真個有情憐宋玉。未應輕折在章臺。幽徑少人來。燈兒下。媚絕粉香腮。無語但垂雙舞袖。背人偷換合歡鞋。長夜費安排。

鵲橋仙

清明

鶯聲似曲。花光如醉。玉漱波紋微皺。亂烟苦雨近黃昏。又醞釀、清明時候。迢迢客夢。厭厭酒病。小院坐殘銀漏。情知薄倖不歸來。猶自把、繡衾薰透。

名家詞鈔

玉皇

六

南鄉子

詠相思鳥

交頸落花前。結得雕籠伉儷緣。心似彩鴛形翡翠。纏綿說到相思便可憐。何忍暫相捐。別鶴孤鸞各一天。人世鍾情誰似此。鷓鴣乾。賈風流。蕭史仙。

虞美人

長夏旅懷

九衢車馬紛如螳。喝死紅塵裡。夕陽城闕亂啼鳥。遙望薊丘煙樹總模糊。客牕夢又歸家去。竹冷泉深

處此時誰凭曲闌干。料想池荷開罷没人看。

踏莎行

百柳飄綿。園梨糝雪。紅亭綠酒人離別。春光不是別離時。別離偏向春時節。舊夢無痕。新愁似結。亂鴉啼處山千折。漁燈點點隔江明。蘋絲帶雨波聲咽。

前調 詠蟋蟀

切切悽悽。叨叨絮絮。西風驛路傷心處。明知枕畔不堪聽。何勞故傷疎燈語。古蹟丹楓。寒城白苧。便須譜入悲秋句。玉人起坐淚闌干。聲聲斷續紗窗曙。

各家詞鈔 玉鳧

臨江仙 離愁

客裏鶯花三月半。春光不似愁濃。柳絲隨處綠蔥蔥。酒帘斜日外。漁市亂煙中。多病文園兼作客。天涯信斷難通。可憐長夜正思儂。寸心蕭寺雨。殘夢隔江鐘。

漁家傲 歸隱

檢點閒身猶未老。莫教名利縈懷抱。澗水蓴鄉歸隱早。塵事少。駕鴉飛處青山曉。此際待將愁悶掃。悠然濁酒東籬倒。拍手浩歌巖月皎。秋色好。蘋花數點

潮聲小。

瑤臺第一層

九日集苑漁爽閣

百尺樓頭任聘望。參差遠樹稠。斷雲螺髻斜陽鴟背。
夏。豁。雙。眸。芳。筵。黃。菊。滿。酌。頻。耐。賓。王。風。流。珠。簾。捲。把。
銀。箏。徐。灸。玉。牟。頻。浮。優。游。秋。高。爽。閣。人。生。行。樂。復。
何。求。餐。英。騷。思。題。糕。逸。興。彩。筆。賡。酌。畫。檐。涼。月。湧。愛。
清。光。欲。去。還。留。盪。歸。舟。漸。殺。紋。溪。暝。亞。字。城。秋。

鳳凰臺上憶吹簫

閏七夕

鶴馭重逢。鵲橋仍駕。銀河依舊迢迢。喜雙星樽酒。又

名家詞鈔 玉鳧

八

得相邀。翻覺幽期容易。笑人間別恨空勞。鰓樓畔。荷。
香。欲。斷。桂。露。初。飄。魂。銷。歡。悞。再。整。念。此。夜。姮。娥。碧。
海。青。霄。羨。風。流。佳。話。較。勝。初。遭。每。歲。相。逢。兩。度。又。何。
須。暮。暮。朝。朝。低。聲。祝。年。年。但。願。常。閨。今。宵。

水調歌頭

懷西江李維饒太史

自別同心友。倏忽五春秋。不知別後消息。千里思悠。
悠。地。占。南。州。之。勝。人。在。東。京。以。上。談。笑。盡。風。流。回。想。
龍。沙。景。爛。慢。夢。中。遊。雲。如。醉。煙。如。怨。月。如。愁。荒。城。
簾。葉。不。堪。還。倚。最。高。樓。聞。道。燕。山。歸。去。復。向。瀟。湘。作。

客奇句錦囊收。恨乏晨風翼。與汝訪丹丘。

百字令

贈周岡生日

當年公瑾。早三吳文社。譽蜚龍腹。滾滾毫端。誇麗藻。不數江潘海陸。揆得靈珠。奪來花簾。久側時賢目。沉寘埋照。一杯常滿醺醪。回想玉勒京華。侯鯖分餉。華館雙紅燭。賦罷凌雲詞客老。空賞談天炙轂筆。傲千秋。丹成九轉。長嘯鬚眉綠。官衙晝靜。春風吹動。首

花犯

和蘓漁詠小圃醉芙蓉作

名家詞鈔 玉鳧

九

繞秋池。名姝偃仰。晨妝鏡中徹。蛾眉勻淨。漸暖日微醺。分外嬌絕。雪兒小字。憑改喚紅兒。丰韻別。記偷覷。粉腮羞暈。盡簾風乍揭。昨夜梨花夢醒海棠魂。映一片晚霞秋月。吟賞處。疑仙手芳痕重捏。知還想錦城豔麗。且試看繁葩當檻列。預愁那玉容憔悴。金樽寒夜歇。

二郎神

詠黃石榴花

緋衣阿醋。忽改做道家妝束。看點額宮鴉。天然澹冶。絕勝猩紅鴨綠。堪與姚家稱姊妹。真一樣嬌姿絕俗。

有樹杪黃鸝飛來一色繁枝如簇空谷儘教長日
伴人幽獨似憔悴霍娘病起瘦比籬邊菊插向雲鬟
金釵掩映不是丹葩穠郁想霜飛幾夜秋芭拆盡珀
珠盈掬

水龍吟

秋日飲顧水部醉白池上

辟疆園裏秋光蓼花小艇斜陽晚透迤竹徑盡欄轉
角碧池清淺簾控蝦鬚茶烹蟹眼鵲爐香暖喜高人
艷質良時邂逅俱絕妙湖山伴夏聽陽春白雪過
行雲鴟絃鳳管蘭燈未炷寶釵欲墜柔情繾綣銀漏
無聲玉蟾弄影瓊筵初散算人生惟有高歌痛飲葡
萄百醖

名家詞鈔 玉是

十

綺羅香

飲周廣庵寓齋

燕掠蓮香蟬吟槐碧漸覺涼生殘夏小院蝦簾驟雨
銀河倒瀉怪悲歌燕市淋漓喜顧曲周郎醞藉漫愁
他花月銷魂十千頻醉新豐舍看君金馬玉勒有

閒情麗藻才凌鮑謝錦色瑤笈多在雪廊風榭憑彩
筆細爲平章算紅友何如僕射儘君王賞罷凌雲西

園難問價

沁園春 壽吳梅邨先生六十

千載詞壇寥寥可數。誰似先生。看奇葩四吐。楊班爛
熳。靈珠盈掬。潘陸崢嶸。十稔三都。千金一字。當代風
騷屬老成。龍門在任。諸家百氏。孰敢爭衡。廿年鹿
侶。鷗盟有碧水丹山。世外情。記鶴班奏罷。爐煙春潤。
鳳池散後。蓮燭宵擎。文苑彫殘。英雄老去。荏苒霜髭。
忽數莖。欣無恙。如天孫高時。斗極常明。

賀新郎 懷陳其年

試數詞壇彥。惟陳生奇葩逸藻。波騰雲卷。手展麥光

名家詞鈔 玉見

十一

傾八斗。競道楊班再見。聽清論靡靡忘倦。海內真才
能有幾。歎從來風雅時人賤。休浪詡雕蟲擅。石城
花月。同留戀。正良宵銀箏翠袖。鸞箋題遍。別後酒徒
零落盡。爾我飄飄蓬轉。止餘得愁絲恨片。不信董郎
稱健者。已十年瘦損風塵面。空搔首淚如霰。

彭駿孫

孫通

曰。草堂景勝於情。花間情浮於景。能

兼之者。惟我蒼水。金荃蘭畹。浪得名耳。

吳日千騏曰。文章專論才。詞兼論情。才貴廣大。情貴微密。蘇長公詞。有氣勢而少纏綿。才大而情疎也。柳耆卿周美成。纏綿矣。而乏氣勢。情長而才短也。蒼水可謂才情兼至矣。

錢寶汾

芳標

曰。詩變而爲詞。蓋濫觴於香奩諸什。

至宋人而其製大備。當時匠哲。咸推秦柳。皆以旖旎纏綿之思。運其風艷。是知柔情冷語。原屬當行。爽致雄裁。終非本色。卽是以讀樗亭之作。其於詞家三昧。無剩伎矣。

名家詞鈔

玉鳧

十一

一 兼之者惟我蒼水金荃蘭畹浪得名耳

吳日千騏曰文章專論才詞兼論情才貴廣大情貴微密蘇長公詞有氣勢而少纏綿才大而情疎也柳耆卿周美成纏綿矣而乏氣勢情長而才短也蒼水可謂才情兼至矣

錢寶汾芳標曰詩變而爲詞蓋濫觴於香奩諸什至宋人而其製大備當時匠哲咸推秦柳皆以旖旎纏綿之思運其風艷是知柔情冷語原屬當行爽致雄裁終非本色卽是以讀樗亭之作其於詞家三昧無剩伎矣

名家詞鈔玉鳧十一

兼之者惟我蒼水金荃蘭畹浪得名耳

吳日千騏曰文章專論才詞兼論情才貴廣大情貴微密蘇長公詞有氣勢而少纏綿才大而情疎也柳耆卿周美成纏綿矣而乏氣勢情長而才短也蒼水可謂才情兼至矣

錢寶汾芳標曰詩變而爲詞蓋濫觴於香奩諸什至宋人而其製大備當時匠哲咸推秦柳皆以旖旎纏綿之思運其風艷是知柔情冷語原屬當行爽致雄裁終非本色卽是以讀樗亭之作其於詞家三昧無剩伎矣

名家詞鈔玉鳧十一

兼之者惟我蒼水金荃蘭畹浪得名耳

吳日千騏曰文章專論才詞兼論情才貴廣大情貴微密蘇長公詞有氣勢而少纏綿才大而情疎也柳耆卿周美成纏綿矣而乏氣勢情長而才短也蒼水可謂才情兼至矣

錢寶汾芳標曰詩變而爲詞蓋濫觴於香奩諸什至宋人而其製大備當時匠哲咸推秦柳皆以旖旎纏綿之思運其風艷是知柔情冷語原屬當行爽致雄裁終非本色卽是以讀樗亭之作其於詞家三昧無剩伎矣

名家詞鈔玉鳧十一

兼之者惟我蒼水金荃蘭畹浪得名耳

吳日千騏曰文章專論才詞兼論情才貴廣大情貴微密蘇長公詞有氣勢而少纏綿才大而情疎也柳耆卿周美成纏綿矣而乏氣勢情長而才短也蒼水可謂才情兼至矣

錢寶汾芳標曰詩變而爲詞蓋濫觴於香奩諸什至宋人而其製大備當時匠哲咸推秦柳皆以旖旎纏綿之思運其風艷是知柔情冷語原屬當行爽致雄裁終非本色卽是以讀樗亭之作其於詞家三昧無剩伎矣

名家詞鈔玉鳧十一

兼之者惟我蒼水金荃蘭畹浪得名耳

名家詞鈔目錄

盧江 聶先 晉人

長水 曾王孫 道扶 纂定

留村詞

清河 吳興祚 伯成

減字木蘭花

蝶戀花

畫堂春

南鄉子

明月逐人來

念奴嬌 七調

蘇幕遮

踏莎美人

名家詞鈔 留村目錄

水龍吟

水調歌頭

南歌子 人來

玉樓春

木蘭花慢

惜餘春慢

西江月 蘭芬

攤破浣溪紗

桃源憶故人

柳稍青

留林朝中措

長水 曾王孫 道扶

盧江 聶先 晉人

名家詞鈔目錄

留村詞

吳興祚 伯成

減字木蘭花

雪夜泊虎丘

寒塘如帶漁火參差烟柳外。山寺鐘聲喚醒騷人半。世名暫停遊屐北海樽前留一席。雪壓詩魂高卧。梅花不出門。

蝶戀花

寒食雨

堤上輕烟寒食路。烟際登樓。樓外垂楊縷。小艇畫簾堤下駐。載他上冢龐公去。不卷幙初來江燕舞。銜得

名家詞鈔 留村

芹泥。濕盡棠梨雨。怕到晴來春已暮。東皇好把春光護。

畫堂春

春日

輕烟漠漠柳絲長。條風吹斷斜陽。杏花十里玉樓香。畫裏紅粧。春夢纔歸巫峽。詩魂又入瀟湘。纖纖玉筍理衣裳。獨自思量。

南鄉子

午日次紅友韻

良會在高堂。一樹紅蕉滿院涼。剪取安期蒲汎竿。端陽客興都忘滯瘴鄉。鸚鵡語如簧。簾外聲聲喚蔗

漿座上誰人能暢飲。朱郎髻插榴花三兩行。是日席上朱生

醉

明月逐人來 中秋公讌用蘆州韻

遙峰積翠落霞散綺。黃花後碧天如水。揮盃勸影誰

識其中意。追想柴桑高致。華月今宵分外還多鼓

吹。筵前客幾人醒醉。夜涼促坐。玉露秋衫被。肯負一

天佳氣

念奴嬌 題王右丞初冬欲雪圖

輞川餘墨灑輕綃。寫作初冬欲雪滿紙烟雲渲染處

名家詞鈔 留村

萬木參差如折林。鵲低飛山雞僵立。溪水水初結阿

誰于此。詩魂驢背清絕。展向茶幕松窗。蕭蕭如聽

風撼芭蕉葉。竹里詩翁何處也。華子岡頭無月。記載

村醪共尋僧舍。此景曾吟閱。笠湖東畔。小山梅放時

節。其中意。豈敢欺柴桑高致。華子岡頭無月。記載

前調 春申澗懷古

郊原一望盡凋零。又早秋深時節。霜氣填空雲慘淡

一雁驚寒聲怯。雲起樓前天均堂外。興廢誰堪別。春

申古澗雲烟樵客能說。試問昔日英名而今安在

空對蒼涼月。老樹扶疎盤澗底。落葉千層萬疊。徒倚斜陽。因風懷古。莫使雄心折。還應嘆惜。乾坤盡是華髮。

前調

雅集尺木堂用東坡韻

夢中髣髴春催到。花鳥山川雲物。捩管題詩。長則向第二泉邊。石壁雲氣填空。雨絲溼夜。窗外梅如雪。慚非北海座中都是英傑。猶憶昨歲尋春。梧軒高會。恰桃花初發。曾幾何時。方轉盼。烏兔東生西滅。劍氣崢嶸。琴音磊落。搔鬢添霜髮。休辭爛醉。九龍峰畔烟

名家詞鈔 留村

三

月。

前調

壽杜于皇六十

半生高潔論臭味。宜與寒梅相共。一葉扁舟無定處。正值河橋水凍。迹似浮雲。性同野鶴。不做繁華夢。茫茫菴海宇。先生久矣名重。偶向玳瑁筵前。逢場觀劇。喜聽漁陽弄。花市不須頻貰酒。自有白衣相送。泰伯城邊。梁鴻溪畔。曾否詩懷縱。今宵烟月依稀偏對。飢

鳳千皇有
飢鳳亭

前調

元宵後二日與諸同人集弘緒堂疊前韻

燈花燦爛記今宵。一十四人相共。一剪膽瓶梅破萼。
已識春風解凍。遙想當年。開元勝事。惟有涼州夢。千
秋佳話。相傳皆以人重。髣髴柳外飄來。遂聲縹緲。
似梅花三弄。但有清尊堪把。醉莫把韶華暗送。火樹
花飛。星橋霧捲。月向天心縱。瓊樓何處。乘風欲跨飛
鳳。

前調

送秦太史留仙之楚再用前韻

十年聚首論心處。風雨山川相共。一旦離群荆楚去。
秋盡三湘雲凍。君起東山。余淹歷下。兩地參差夢臨

名家詞鈔 留村

四

岐○凄○黯○但○言○前○路○珍○重○多○少○觸○鬪○蠻○爭○雲○翻○雨○覆○
彼○此○嗟○嘲○弄○友○道○于○今○已○絕○矣○良○藥○有○誰○相○送○後○會○
難○期○今○宵○且○醉○須○把○高○懷○縱○勉○哉○行○矣○定○知○還○爾○池○
鳳○

前調

送嚴菴友赴北再用前韻

烟霞氣骨出山來。便與高賢相共。偶爾思歸還策蹇。
鞭指黃河水。凍花柳依然。林泉無恙。去住渾如夢。故
園雖好。主人却是情重。當世正爾需才。少文休戀。
盃石藏琴。弄一葉孤舟回首處。惟有桂花風送。雲起

樓空碧山莊冷。飲興誰豪縱。長安片月寄詞應。白

蘇幕遮 新秋用清真韻

碧天高涼月小。落葉空亭。試問秋多少。餘暑未歸寒
未峭。何事隣家處處敲砧早。戰西風。蘆荻裊雁下。
長空聲與雲俱到。潦倒關山鄉夢杳。倦起繩床怕聽
雞催曉。

踏莎美人

送顧梁汾之江右

月暗山城香疎桂樹。征帆遙指霞飛處。黃鸝白酒擬

名家詞鈔 留村

五

相招。試問君能回首一停橈。蓼渚看花。蘆洲聽雨。
高吟莫待悲秋語。西風落葉捲江潮。此後相思俱在
灞陵橋。

水龍吟

秋夜同余澹心龔伯通鮑讓侯虎山橋醉月

湖山清絕如斯。琉璃一片秋光好。金梁百尺。玉波千
頃。翠屏圍繞。木落疎鐘。星搖巨壑。林幽風裊。有寥天
唳鶴。出群鳴雁。乘夜色。翔雲表。幾度傳觴。把盞醉

蓬萊山。高月小。詞客哀時。騷人作賦。洞天明曉。隣笛
驚秋。漁歌激水。數聲縹緲。喜今宵。相共幕天席地。醉

眠瑤草

水調歌頭

壽余澹心徵君六十置酒聽櫓軒同秦對巖嚴蓀友陳集生稱膺

栗里銜觴處。隆中抱膝時。天下文章在是。蕭瑟鬢如絲。久矣騎龍弄鳳。又自乘風馭氣。造化任兒嬉。星則名爲客。謫墮照茅茨。憑玉案。拂錦席。舉金卮。南山當戶。一簾泉瀑濺花籬。君正年當耳順。我自栽花百里。花裏種仙芝。明日中元耳。魏野獻新詩。澹心以七月十四日生與冠萊公同日魏野獻詩云何時生上相。明日是中元。

南歌子

雨過試新茶

名家詞鈔

留村

六

一院槐花雨。春波泛玉舩。冷金箋換濕紅箋。更有銀餅烹出小龍團。匣鏡凝宮月。屏山吼瀑泉。素篔傳過藥闌邊。漸喜簫聲吹送蔚藍天。

玉樓春

初夏焙茶

鴨頭水漲鷗波杳。夏淺淡春蝴蝶小。紅沾杜宇淚邊花。綠遍謝家池上草。鈿箏低度西窓曉。乳燕初飛鶯未老。水沉烟底透茶香。睡起玉川風味好。

木蘭花慢

杏花

春意何嘗闌。紅杏萼淡于梅。况細雨晨流宿醒半解。

曉夢初回。東風暖。西窓靜。画樓邊。纔見一枝開。不與
緋桃鬪豔。爭如荳蔻含胎。馬塍花圃。恰移來。帶露
倚雲栽。有紫燕雙飛。黃鶯並坐。粉蝶徘徊。更有金城
楊柳。風流摇曳。好伴仙臺騎省。抽毫作賦。端明對月
銜盃。

惜餘春慢

詠雨中杏花

融雪消冰。嫩寒春曉。正是落梅時候。纔過上巳。又值
清明。燕子重來依舊。封姨作意顛狂。紅杏梢頭雨肥
烟瘦。想斷腸人在江南。收拾舞衫歌袖。屈指算九

名家詞鈔

留村

七

十春光。二分流水。恰剩一分居後。柳未抽條。桃猶斂
萼。只有妖紅炫晝。誰家樓閣陰陰。蝶粉鶯簧。總難消
受。怪東皇不放春陽。長見一池吹縵。

西江月

春閨

画檻桃殘。鳳嘴薰鑪。蕪透龍涎。新鶯嬌啭。欲明天好
夢。看看漸遠。曉起慵梳。倭墮春愁。懶拂鬢。滿懷
幽恨。倩誰傳。只有淚痕幾點。

攤破浣溪沙

雨船

夏木陰森好挂簷。天公傾倒玉壺冰。滴破蓬窓敲破

余曼翁

懷

曰詞家盛推秦柳爲擅場然其人率輕

佻浮華無事功可紀若韓魏公范文正周平園諸鉅公皆以填詞名則詞因人重不必定以楊

柳外曉風殘月著聲紅牙白板間也留村先生

雄才大略上擬范韓而彩筆縱橫目空一世當

其据梧而吟登高而賦倒傾三峽響震千門亦

何減辛稼軒鎮南徐命侍兒歌千古江山時耶

聶晉人

先

曰先生經濟文章首繫天下蒼生之望

久矣而尊前馬上間爲詞調流傳於騷人墨士

名家詞鈔

留村

九

之口能令齒頰俱香光騰二酉若儼之前哲當

與韓范富歐爭光日月質之藝林當與梅村棠

村共傳不朽他日功標銅柱銘勒燕然鏡歌競

鳴河山清晏豈非詞壇中千秋佳話也哉

門人陳

大成

曰夫子詞雄旨洽綜博淵深昔龔合

肥云文人未見留村猶之乎未睹滄海見留村

之詞猶之乎見滄海之一波也

余曼翁

曰歸來盛對秦柳爲擅場然其人率輕佻浮華無事功可紀若韓魏公范文正周平園諸鉅公皆以填詞名則詞因人重不必定以楊柳外曉風殘月著聲紅牙白板間也留村先生雄才大略上擬范韓而彩筆縱橫目空一世當其据梧而吟登高而賦倒傾三峽響震千門亦何減辛稼軒鎮南徐命侍兒歌千古江山時耶久矣而尊前馬上間爲詞調流傳於騷人墨士之口能令齒頰俱香光騰二酉若儼之前哲當與韓范富歐爭光日月質之藝林當與梅村棠村共傳不朽他日功標銅柱銘勒燕然鏡歌競鳴河山清晏豈非詞壇中千秋佳話也哉

名家詞鈔目錄



廬陵 聶先晉人

纂定

長水 曾王孫道扶

楓香詞

商丘 宋 擘 牧仲

永遇樂 賀新涼

如夢令 調笑令

浣溪沙 虞美人

青玉案 送我入門來

名家詞鈔目錄

魚遊春水 唐多令

滿江紅 三調 夏初臨

念奴嬌 二調 滿庭芳

醉太平 高陽臺

桂枝香 綺羅香 二調

柳稍青 二調 水調歌頭

風流子 金菊對芙蓉

沁園春 酷相思

鳳凰臺上憶吹簫 洛陽春

玉聯環

阮郎歸

錦堂春

南歌子

江城子

蝶戀花

品令

鳳樓春

江城梅花引

絳都春

天香

水龍吟

摸魚兒

齊天樂

名家詞鈔

楓香目錄

對魚泉

洞天樂

天香

水龍吟

玉樓春

蘇幕春

品令

鳳樓春

玉樓春

蘇幕春

錦堂春

南歌子

玉樓春

蘇幕春

楓香詞

商丘 宋 肇 牧仲

望○去○非○花○飄○來○疑○雪○輕○薄○如○許○未○作○浮○萍○已○離○深○樹○
此○際○誰○爲○主○隋○堤○三○月○幾○回○翹○首○一○片○漫○天○飛○舞○最○
堪○憐○無○根○無○蒂○總○被○東○風○弄○汝○蹋○歌○魏○女○離○情○多○
少○問○道○春○光○何○處○乍○撲○空○簾○旋○黏○芳○徑○好○倩○鶯○啣○取○
還○思○往○日○鵝○黃○初○染○變○態○頓○分○今○古○枉○垂○着○長○條○腕○
地○綰○伊○不○住

名家詞鈔 楓香

賀新郎

呈李容齋學士

歲○又○將○秋○矣○向○天○涯○良○朋○高○會○於○今○無○幾○館○閣○雍○容○
稱○好○客○誰○似○青○蓮○才○子○詞○賦○手○招○來○燕○市○小○院○雙○榆○
新○霽○後○寫○傷○心○綺○語○清○宵○裏○爭○擊○鉢○任○浮○醴○余○惟○

翹○首○興○懷○耳○正○窮○愁○柴○門○偃○仰○未○陪○名○士○妬○殺○曉○風○
殘○月○句○譜○自○娉○婷○女○史○作○佳○話○流○傳○不○已○何○日○更○成○
文○字○飲○共○狂○歌○一○曲○涼○颼○起○先○寄○訊○吾○知○已○
學士方有詞會

余適以
病未赴

如夢令

白丁香八月復花

密蓋臨風香細。艷雪幾枝分綴。不復結春愁。占斷小園秋霽。庭際庭際。妬殺一叢丹桂。

調笑令

櫟括吳門女子詩。云。妾白梳月號蓮。儂家住半塘。幼失

雙親寄養它姓。姿容畧異。慧業不同。非敢擅秀。聞中願効清風。林下豈意我生。不辰所適。非偶。日彈琴之相對。百恨纏綿。時捲慢以言征。一詩哽咽。余爰題之。驛亭人各憐之。黃土可耳。其詩云。吳官春淡。怨別離。風塵慘愴。雙蛾眉。鵲啼月落。寸腸斷。香消芍藥空垂。垂流黃未。工機上織。生小殷勤弄文筆。新詩和淚寫。郵亭珍重。寒宵誰面壁。丙辰三月廿日。北上過此。挑燈細讀。感慨係之。因櫟括原詩為小令。用貽好事云。

名家詞鈔

楓香

二

藥香消。堪惜明妃遠。嫁歸何日。一曲琵琶。悽惻

浣溪沙

春城卽事

楊柳春城駐憶車。羅衣掩映女牆斜。江南粧束是誰家。城下有人閒佇立。芙蓉朝日望來賒。一春愁緒又添些。

虞美人

酒邊

橫波剪得吳江影。髮覆螭蟬領。文茵初上臉微紅。恰聽雛鶯羞澁。啾東風。輕盈擬倩遊絲惹。留住春光也。爰香艷雪綺筵邊。好個朦朧烟月。斷腸天。

青玉案 自題楓香詞

楓香橋是黃州路。曾岸幘扶筇去。一望霜天風景暮。空山流水，白雲紅樹，動我悲秋賦。於今屢夢高歌處。聊取嘉名錫癡語。蘭畹金荃休見妬。花間低按，尊前輕度。總愧江楓句。

送我入門來

閨怨

翠浪翻帷。紅綾燦枕。燈花細落銀缸夜。雨春風寂寞。掩蘭房。吐絲妾似蠶眠箔。奈化枳君同橘。過江此恨情誰說。與願逐晨風飛去。遂到君旁。水遠山高雲

名家詞鈔

楓香

樹但蒼茫。鴛鴦幾見池中睡。嘆芍藥空飄檻外香。

魚遊春水

漫懷

番馬屏風小。圍向洞房春正好。鴛鴦飛起不道雲深。波杳映日曾憐杏蕊新。籠烟還憶楊枝裊。片月常齡雙魚恁少。遠道萋萋芳草。天外山同眉黛掃。誰知孤客登臨。總傷懷抱。輕寒輕暝春歸久。關門閉愁秋到。早斷續哀蛩。蕭疎叢篠。

唐多令

偶憶

楊柳正如絲。蟲蟲見客時。比瓊花別樣芳姿。幾度問

年羞作答。微笑道。有娘知。回首便天涯。風情減。牧之。悵紅橋雲樹迷離。無限思量如夢寐。真薄倖。負佳期。

滿江紅

初伏雨中
信趨至

上幸宣武門觀洗象聞
乘輿已返象亦洗畢矣賦

以寄

伏日炎蒸。長安道。喧傳洗象。正翻盆急。雨御河新漲。隔岸乍聞吹畫角。歸途已見排仙仗。有烏蠻赤脚踏。將來。巋然狀。飛樓啓。乘輿上。天顏喜。宸遊暢。奈衝泥後至。翠華徒望。暮返柴扉仍寂寞。吟成斗室。

名家詞鈔

楓香

四

添蕭爽。笑吾生萬事總蹉跎。休癡想。

前調

拾瑤亭中秋讌集再次顧菴學士韻

澹蕩西風。盡吹却鱗鱗雲漲。高會處銀蟾乍湧。清光無恙。桂影婆娑河漢外。露華灑梧桐上。正遙天一。片好秋容。來相餉。擎玉斗。香醪漾。按象板。吳兒唱。漸更深漏轉。薄寒初釀。誰繼謝莊今夜賦。空傳公遠。當年杖。羨素娥相對舞霓裳。紛千狀。

前調

秋日西涓次顧菴江村韻

過雨西涓。草堂裏閒看新漲。病初起塵襟天氣。詩懷

無恙波影如雲當岸走蘆花似雪緣階上見攜來尺
半鯉魚肥鄰翁餉衰柳下扁舟漾夕陽外漁歌唱
更舉杯邀月同傾花釀高興漫裁金縷曲狂游還覓
青藤杖但烟霞深處作生涯真無狀

夏初臨 本意

堤柳添烟苑花飄翠匆匆過了三春雨霽風恬清和
撰就嘉辰閒庭草色如茵映方塘碧水粼粼單衣初
試疎簾乍垂密箒先陳幾多恨葉一片情波沈腰

帶減潘鬢霜新山蒞水渺風流何日還親猶記同君

名家詞鈔 楓香

五

看雙雙燕拂梁塵到斜暝薔薇架邊坐對仙裙

念奴嬌

同王北山葉初菴王阮亭過張晴峯
寓齋聽金山人彈琴

消憂何處愛張融舟屋軒窓偏潤綠樹陰森新雨後
一架藤花爭發文酒移情烟雲過眼俯仰塵襟豁枯
桐挂壁鞠通隱隱曾齧客有江左風流郢中高調
抱取金徽拂四座無言燈影靜清響傳來超忽曲奏
離騷陽廻永炭宿鳥驚林樾嗒然相對當簷飛出明

月

前調

夏日同徐方虎周廣菴第
子昭遊龍泉寺卽席有作

清和新霽。杖孤筇。野外追隨上客。望去琳宮千樹裏。
磬響乍傳遙碧。山色當門。葵花盈砌。到此塵囂隔脚。
盃藉草。賞心更擁圖冊。誰道冠蓋京華。偏容吾輩。
泉石留行迹。醉後看松過別圃。細雨霑衣將及。公瑾
風流。偉長詞賦。此會高今昔。岑參兄弟。願言常奉遊
屐。

滿庭芳

春日雨中同田子綸謝方山過隣寺看花分賦時有寺僧能詩善字談久而歸

坐月而歸

兩做清愁。人添羈恨。幾處花放春城。招尋初地。修竹

名家詞鈔

風香

六

倚茅楹。千葉桃花灼灼。苔牆上薜荔抽萌。開樽好隣
園灌木。百轉聽流鶯。移情當此日。山僧乍遇。人淡
詩清。更書回顛米。筆陣縱橫。向夕花前小住。狂歌發
共掩柴荆。天將霽。朦朧片月。深殿一鐘鳴。

醉太平

春閨用方虎偶作韵

花開亞枝。鵲飛遠枝。臨風偏惱萱枝。道春歸有期。
窓懸網絲。琴閒鳳絲。傷心聊寫烏絲。問人歸幾時。
枝

萱

高陽臺

章江舟次讀玉田詞步集中韵

遠水拖藍晴峰送翠徐牽三板輕船野岸風箏撩人
恰是新年垂楊不負東君約裊鵝黃一色堪憐更悠
然幾處漁歌幾點村烟家山回首斜陽外但萋萋
芳草森森長川十八灘遙舟人指向鷗邊紅牙漫拍
王孫句倚蓬窓聊破愁眠莫垂簾尚有江梅尚少啼
鵲

桂枝香

蟹

江湖歲晚正水落空洲楓下高岸設簾平沙敗葦燈
光零亂輪囷乍向臨流得掩青筐霎時皆滿誰憐攜

名家詞鈔

根香

七

去漁莊草舍清霜一片又早是重陽款宴歎秋色
殊佳籬金初徧幾處酒人對擘新橙同薦老蟹只愛
持螯嚼想眉山曠懷如見還從醉後茶烹石鼎恍窺
雙眼。

綺羅香

蟹

借草生情因風弄影熠燿飄來何處箇箇輕盈點綴
秋光無數纔亂穿小幔疎櫺又暗照空墻廢圃似從
他狡獪天孫繁星洒作夜澹雨佳人輕把扇子好

撲取閒堦上玉纖籠住凄切寒蛩妬殺流輝遲暮怕

燭○至○暫○歛○微○明○。緩○庭○柯○頰○成○珠○樹○。最○堪○憐○數○斛○徵○求○。
遍○山○巖○放○去○。隋煬帝徵求螢火數
刑夜遊遍放巖谷

前調

秋夜同方邵村諸公飲吳五崖寓齋聽
吳兒度曲

席○帽○聊○蕭○。塵○襟○冷○落○。恰○喜○騷○人○相○見○。永○夜○啣○杯○珍○重○。
紅○牙○低○按○。乍○飄○來○管○脆○絲○恬○。任○聽○去○魂○消○腸○斷○。看○燈○
前○年○少○吳○趨○。風○流○並○極○一○時○選○。誰○憐○吾○輩○倦○客○。潦○
倒○長○安○市○。歲○華○偷○換○。邂逅○歡○場○。莫○道○漏○沉○星○轉○。賦○短○
句○宋○玉○增○悲○。縱○高○談○方○千○忘○倦○。問○籬○畔○菊○有○花○不○還○。
期○花○下○讌○。

名家詞鈔 風香

八

柳梢青

早春

何○事○淹○留○。朝○來○春○色○又○遍○皇○州○。綺○陌○燒○燈○。鳳○城○挑○菜○
吹○面○風○柔○。招○尋○漫○逐○鳴○駒○。回○首○處○傷○心○舊○遊○。燕○子○
穿○簾○。杏○花○倚○檻○。小○小○紅○樓○。

前調

夏夜

作○客○經○時○。葡○萄○引○蔓○綠○透○書○帷○。雨○後○追○涼○。風○前○聽○籟○。
月○正○如○眉○。中○宵○無○限○事○其○奈○短○笛○隣○家○又○吹○踏○遍○。
苔○錢○尋○來○螢○火○排○遣○些○兒○。

水調歌頭

秋日送徐方虎太史給假省親歸
武源用朱竹垞檢討寄曹秋嶽先

生原
韻

斜日照青嶂。落葉下金臺。故人辭我南去。塞鴈一聲
來。蓴菜茗溪堪摘。茅屋蘋村無恙。遙指白雲隈。相送
潞河上。蕭瑟荻花開。倚門望。歸棹急。肯徘徊。江風
漁火偏喜。歲晚謝塵埃。到日浣裙調餼。暇日登山臨
水。野老對御杯。史館須椽筆。好與鴈同回。

風流子

夏日徐方虎邀同胡孟綸太史馮陽長大令舍弟子昭黑畚厰登眺卽席

漫賦

帝城幽絕處。孤臺起突兀。古牆邊。嘆車馬此時。幾人

名家詞鈔

風香

九

休歇。林丘我輩。隨意盤桓。恰還有。彩毫堪共賦。清酒
馨交歡。佳氣鬱葱。瞻來北闕。嵐光重疊。送自西山。
斜陽風吹落。冰輪皎。又見湧上天壇。各向迷離烟樹。
指點鄉關。正西湖雨後。荷香十里。梁園月下。竹影千
竿。何事蓴鱸高興。偏讓張翰。

金菊對芙蓉

九日同陳其年振衣樓登高其年有南歸意賦此留之用史雲

秋韻

臣虎丘

老矣陳琳。悲哉宋玉。披襟共此清秋。恰重陽又到。載

酒樓頭。君言計日江南去。看霜林橘柚如毳。未成分

手偏宜對菊。醉發狂謔。鼓棹漫逐河流。有蕭娘窈窕。潛貯商丘。問故鄉。雖好。可否同遊。天涯况未銷烽燧。卷画溪。莫說尋幽。好將彩筆。登臺賦雪。一笑淹留。

沁園春

題孔釋抱送圖賀大司農梁公兩舉丈夫子

列戟朱門。雕橋珂里。喜見懸弧。恰鳳雛載誕。參差玉蜀。麟兒同育。錯落驪珠。如此奇逢。真稱佳話。豈復尋常吉夢。乎須知道。是尼山鷲嶺。送自雲衢。大匡時共說司徒。宜塔下芝蘭秀色。敷美食牛之氣。抱來競爽。驚人之骨。望去皆殊。千里神駒。一雙英物。異日追隨殿陛。趨開筵處。任名流作畫。詞客操觚。

名家詞鈔

樞香

十

酷相思

旅况

巷子條條看盡似。但塵影連天起。笑彈指。光陰直個是。喫過了櫻桃矣。插過了荷花矣。其刻有瓶中三日米。且自繙書史。問何不歸歟。偏戀此。還要看螢光耳。還要聽蛩聲耳。

鳳凰臺上憶吹簫

題周昉宮人調鸚鵡圖

寶髻盤雲。絳綃籠雪。內家粧束風流。向石邊小憩。藏却繡鈎。還有侍兒執扇。苦逕裏映帶溫柔。傷心也。杏

花在手。凝盼枝頭。啾啾綠衣娘子。愛惜殺春光芳
樹能留。好教將言語。等待宸遊。似欲殷勤重問。長門
賦。汝會吟不。摩挲嘆。一方素練。貌盡宮愁。

洛陽春

摩訶菴看牡丹

映日齊開紅萼。霞光交錯。獨從初地占穠春。似空谷
佳人託。憶昔看花張幕。天香薰酌。祇今悵悵近雕
欄。將勝事思量着。

玉聯環

偶遇用阮亭個儂韵

纖腰恰傍垂楊樹。瞥然驚遇。尋常梳裹可憐人。一縷

名家詞鈔

楓香

土

膩香風處。白板門邊歸去。盈盈微步。斜陽飛絮。奈
何天。直欲作高唐賦。

阮郎歸

聞書翁聲和方虎用山谷韵

雕籠小鳥兩睂彎。誰爲描遠山。好音縹緲落簷前。空
堂成碧山。低格磔碎間開。新聲李義山。聽鸚携酒
送春閒。何時少室山。

錦堂春

畫上美人

寶髻八盤倭脩。櫻脣一點鮮圓。低徊無語風前立。顧
影自生憐。珠淚玉烟誰寫。膩香真色俱傳。明妃不

滅妖嬈態應費画工錢

南歌子

題吳門清河女子花鳥

寫鳥能生動。描花吐艷姿。深閨纖指露清奇。不數黃
筌。崔白畫家師。倦倚紅紅筆。愁凝小小眉。莫教風
雨妬胭脂。留待雙雙富貴白頭時。

海棠牡丹
白頭翁

江城子

感舊

筠廊秋艷菊花叢。命秦宮。理焦桐。坐向花前。纖手動
清風。白紵輕衫腰一把。流盼好。送歸鴻。思量往事
恨難窮。恁忽忽。水流東。寂寞高齋。桃萼又將紅。獨抱

名家詞鈔

楓香

十一

雲和今夜裏誰忍弄月明中

蝶戀花

送曹義翁舍人歸毘陵用王阮亭民部韻

溽暑長安榴吐纈。客憶尊鱸不待清秋節。座上高談
驚乍歇。篋中留得文如雪。折柳旗亭歌一闋。竟別
東華人道真癡絕。無限相思何日徹。春申浦上蘆花
月。

品令

咏阮亭寓齋竹用西樵先生韻

何○可○居○無○竹○共○晨○夕○惟○君○獨○森○森○似○束○雨○枝○烟○葉○聲○
飄○哀○玉○謾○說○千○竿○如○此○一○叢○已○足○依○然○淇○澳○遍○軒

檻皆新綠。恰宜阮籍高吟。月下清陰滿。目隙地無多。更種幾本寒菊。

鳳樓春

長安寄懷劉山蔚用見贈原韻

記得早鶯啼。紅杏初飛。宋城西。旗亭別路。草萋萋。回首處。暮烟迷。獨有河梁投贈句。任遠道相隨。酌醪醪。醉後何爲。行歌燕市。故人天末。幾番惱殺分離。吹面麴塵。素衣今已化緇衣。中宵無寐。千種思惟。

江城梅花引

月夜過友人寓齋聽隣姬度曲

誰從比舍奏清商。小秋娘。小兜娘。一縷因風裊裊度

名家詞鈔

楓香

十三

空墻。燕語乍停鶯。又嘯。黃昏後。聽來時。總斷腸。斷腸。斷腸。起徬徨。月有光。漏正長。欲去欲去。不忍去。餘韻悠揚。彷彿天邊。過住片雲翔。好借君家苔徑裏。坐十日。聽千巡。願始償。

絳都春

秋夜感懷寄方虎用其年元夜韵

炎蒸纔謝。正暮雲斂盡。銀河斜掛。鶯燕風流。荷芰繁華。夢還惹。此時旅况。何如也。舉目見新霜。露瓦青。螢燈火。紙窗竹屋。狂吟閒寫。中夜追思往日。向金門。執戟競誇裘馬。一陣西風。又送羈人燕臺下。急須覓

破衣殘帕。同學者相逢如乍。且尋江表徐陵月明詞話。

天香

龍涎香

島嶼蟠沙。烟波抱月。潛虬吐沫如許。斂自綃宮。滴同
薇露。萬里浮槎誰取。博山小試。似快剪雲英一縷。裊
裊縈簾拂座。悵望海天何處。最憐空閨獨炷。對氤
氲燕梁鶯戶。漫倚銀篝聽盡。夜深梅雨。此際相思不
淺。嘆荀令風流頓非故。素被餘薰纏綿未去。

水龍吟

白蓮

名家詞鈔

楓香

古

田田漫舞銀塘。魚牀捧出梨雲好。新粧淡佇。靜窺湍
瀨。臨風窈窕。翠羽低穿。水溼斜壓。數枝偏皎。宛湘妃
獨立。輕綃掩映。明璫綴波光照。三十六陂。綠蓀漸
黃昏。冰姿恁悄。開宜玉井。折應素手。闌紅都掃。露冷
纔香。月明無影。薺花共老。對宦洲。千朵堪成雪賦。向
鄒枚道。宦洲在梁園卽鄒枚賦雪處

摸魚兒

蓴

甚江東綠波無際。泖湖風物尤美。露葵生處春洲遠。
翠葉紫莖鋪水。輕摘起。見說道參差荇菜。渾難比烟

村小市。算只有吳鮮。依稀釵股。好自伴菰米。秋風動有客。天涯徙倚。采芳曾作歸計。當時但爲鱸魚膾。何事悵然如此。誰鼓枻。常是那香羹。調向蘆花裏。樽前漫記。與碧礪。芹芽。簾泉玉版。瀟酒共丰味。

齊天樂

蟬

西園漸屆清商節。疎林一聲。凄切。葉底潛流。枝頭乍送。常向空庭紛聒。齊姬恨結。正無限傷心。曉風殘月。寥落高天。滿身涼露。響還歇。故園舊曾聽處。柴門閒倚杖。清韻飄忽。翻入雲深。傳來院靜。不數哀蛩啼。鳩。悲秋自說。任南陌東城。斜陽明滅。更憶閨中。鬢絲真髣髴。

名家詞鈔

楓香

五

余曼翁

懷

曰。楓香詞情深今古。思入風雲。組織之工。勝于鋪錦列繡。運思之巧。居然轆柳凌秦。賦鐵石之梅花。鬧枝頭之紅杏。何其麗也。宜廣播于藝林。技至此乎。爰永傳于樂府。

陳其年

維崧

曰。秀琢則夢窗。細膩則片玉。至一種縹緲離合之致。更復置身詞外。得離鈞三寸之

妙。

吳園次

綺

曰。近之詞家。互爲濫體。施于樂府。競號新聲。實有江河之憂。豈獨風雅之變也。先生楷

名家詞鈔

楓香

七

模八代。衣被九州。乃以大雅之才。間爲小山之製。具周秦之麗節。而去其靡。寫辛蘇之壯懷。而無其亢。所謂永嘉之末。復聞正始之音也。

縣城鎮合之。延夏野置良。歸水特。聯。三十一

刺其平

蘇

曰。衣冠。四。漢。商。徽。祖。限。代。五。至。一。味

于。蓬。林。對。正。北。平。安。永。曹。干。樂。風。

難。不。之。辭。亦。關。對。而。之。孫。杏。向。其。嚴。也。宜。寬。益

工。知。于。檢。檢。反。餘。重。思。之。文。風。然。轉。時。樂。法。則

余曼翁

曰。楓香詞。情深今古。思入風雲。組織之工。勝于鋪錦列繡。運思之巧。居然轆柳凌秦。賦鐵石之梅花。鬧枝頭之紅杏。何其麗也。宜廣播于藝林。技至此乎。爰永傳于樂府。

名家詞鈔目錄

廬陵 聶先 晉人

纂定

長水 曾王孫 道扶

休園詩餘

廣陵 鄭俠如 士介

玉蝴蝶

浣紗谿

二調

巫山一段雲

三調

攤破浣紗溪

浪淘沙

風中柳

臨江仙

五調

漁家傲

名家詞鈔 休園

錦纏道

青玉案

山亭柳

霜天曉角

二調

魚遊春水

滿江紅

六調

鳳凰臺上憶吹簫

二調

水調歌頭

滿庭芳

漢宮春

萬年歡

念奴嬌

四調

晝錦堂

望海潮

沁園春

一調

名家詞鈔目錄

休園詩餘

廣陵 鄭俠如 士介

玉蝴蝶 入山

尋幽不厭高岑路。入翠微陰。獨坐弄瑤琴。空庭橫古
今。春秋多好日。山水有清音。感動一沉吟。寄懷滋
遠心。

浣紗溪 漁隱

偶傷蘆花繫小船。秋風無事釣江烟。為憐霜葉忽忘
筌。天若有情天亦老。月如無恨月常圓。英雄高蹈

名家詞鈔 休園

卽神仙

前調 詠梅

洗盡鉛華獨淡粧。孤情偏愛水雲鄉。恥同桃李媚春
光。已托焦桐傳密意。更邀明月伴幽香。一枝寒玉
倚橫塘。

巫山一段雲 村居二闕

天下原無過。君言亦復佳。幾年不踏市朝街。邀月影
相借。八十猶行脚。今知費草屨。無愁可寄。豈憂埋
造化。自安排。

前調

且○共○歡○然○飲○時○還○讀○我○書○醉○鄉○深○處○好○安○居○
甜○餘○卿○自○用○卿○法○吾○亦○愛○吾○廬○故○園○歸○後○羨○池○魚○
夏○木○獨○森○疎○

前調 警悟

耕○鑿○安○時○論○烟○霞○美○獨○行○金○風○日○夕○弄○秋○聲○懷○挾○萬○
年○情○天○揖○讓○三○杯○酒○乾○坤○一○草○亭○半○生○蕉○鹿○霎○時○醒○
空○與○月○俱○明○

攤破浣紗溪 泛舟

名家詞鈔 休園

十○里○荷○香○遶○蜀○岡○清○歌○一○曲○應○天○長○曲○曲○紅○橋○連○酒○
舍○聽○鶯○簧○好○雨○薰○風○催○暑○去○北○窓○高○卧○是○羲○皇○萬○
柳○插○天○常○閉○戶○讀○書○堂○

浪淘沙 孤悶

清○氣○到○蓮○塘○荇○藻○皆○香○雲○山○樓○外○鬱○蒼○蒼○忽○地○風○來○
花○落○也○驚○散○鴛○鴦○雨○過○墨○池○涼○酒○盞○詩○囊○一○回○自○
適○一○回○傷○過○了○中○年○諸○事○有○髮○短○心○長○

風中柳 愛閒

閉○戶○焚○香○無○事○便○稱○清○福○草○亭○幽○何○殊○空○谷○將○飛○翼○

伏○將○文○且○朴○喚○樵○青○平○安○報○竹○
風○雨○時○來○白○鷺○黃○
鷗○相○逐○望○江○南○千○巖○皆○綠○葛○巾○堪○漉○花○谿○堪○浴○學○無○
生○忘○情○草○木○

臨江仙 黃山二闕

萊○山○姓○尚○隨○軒○帝○號○天○都○迴○絕○塵○埃○爲○尋○三○十○六○峰○來○
松○間○聞○藥○杵○雲○裏○見○丹○臺○
蜃○氣○半○空○浮○海○市○懸○泉○
地○湧○風○雷○芙○容○朶○朶○向○人○開○千○章○經○魏○晉○百○里○是○蓬○

前調

名家詞鈔 休園

三

標○天○地○祇○容○開○一○線○奇○峰○幻○出○星○橋○扶○筇○緩○步○任○飄○飄○
湯○泉○觀○浴○月○石○室○聽○吹○簫○
山○上○飛○雲○山○下○雨○化○城○
鋪○出○江○潮○好○將○生○計○付○漁○樵○青○蓮○凌○日○表○丹○白○隱○霞○

前調 集春夜宴桃李園序

觴○春○夜○芳○園○桃○李○宴○古○人○秉○燭○徜○徉○浮○生○若○夢○待○黃○梁○
光○陰○催○過○客○大○塊○假○文○章○
酒○數○不○辭○金○谷○罰○詠○歌○
烟○景○春○陽○天○倫○樂○事○自○無○荒○開○筵○皆○俊○秀○醉○月○共○飛○

前調 消暑

問我園居消暑事。廣陵濤挹瓊花。諸峰秀出玉勾斜。
風微披古玩。雨過試新茶。高卧不須嘲熱客。客來
只問桑麻。槐陰柳色若排衙。草書師舞劍。泛月待浮
槎。

前調 壽查伊璜七十

自昔文章推領袖。起衰賴爾扶輪。崧高維嶽甫兼申。
尋山惟謝屐。漉酒有陶巾。前授生徒後女樂。馬融
絳帳猶新。西湖放鶴對松筠。書傳天祿夜。曲度武陵

名家詞鈔 休園

四

春

漁家傲 夏園卽事

高閣晴空千嶂侍。環堤一帶桐花墜。茅屋數間窗織
翠。幽獨媚。時時把玩鍾王字。蘋沼風來沙鳥醉。閉

門自覺捐諸累。忽聽鷓鴣聲驚午睡。添清思。悠悠不問
千秋事。

錦纏道 郊遊

聞道東坡莫負清明重。九歎人生幾登上壽。榮華愛
欲常留否。身後浮名豈若生前酒。向山水遨遊同

心○攜○手○兩○三○人○野○航○剛○受○看○松○梢○新○月○娟○娟○乘○興○還○來○往○此○去○隨○所○偶

青玉案

江望

懸○崖○置○屋○臨○江○樹○但○日○送○飛○鴻○去○天○下○滔滔○誰○與○悟○
戶○庭○之○內○安○車○之○上○盡○是○風○波○處○閉○門○且○把○南○華○
註○且○暮○心○知○時○一○遇○試○問○悠○悠○何○可○語○藏○舟○於○壑○藏○
山○於○澤○迷○者○安○能○據

山亭柳

劉俊度招觀女樂

園○涉○秋○旻○吾○自○有○花○茵○臺○榭○上○露○華○新○忽○聽○清○音○縵

名家詞鈔

休園

五

緲○居○然○高○遏○行○雲○賣○弄○庭○花○玉○樹○如○飲○香○醇○幾○回○
離○合○悲○歡○事○現○身○說○法○欲○銷○魂○知○音○者○屬○何○人○若○遇○
周○郎○顧○曲○寧○辭○再○和○陽○春○似○此○風○清○月○白○無○奈○良○辰

霜天曉角

小菴紅

遠○離○塵○土○忽○到○桃○花○塢○真○是○避○秦○寧○宇○水○有○魚○山○無○
虎○蕘○桴○土○鼓○耕○鑿○還○歌○舞○若○問○此○時○何○世○不○知○漢○忘○
近○古○不○儒○不○賈○請○學○惟○農○圃○斗○酒○時○爲○賓○主○十○豐○
年○御○田○祖○五○風○十○雨○醉○後○呼○鸚○鵡○時○有○兒○童○大○笑○拍○
蝴蝶○飛○栩栩

前調

在河之滸百室皆環堵。苛政永離猛虎。不徵糧不編伍。式歌且舞。厭聞世上語。設有漁郎悞。入水可樵山可罟。無文無武。牖戶誰予侮。晨夕樂來與。數話桑麻。工布縷。櫛風沐雨。婚嫁依鄉土。試問誰人彷彿前。朱陳後杜五。

魚遊春水

春園卽事

怪石鉛松倚書帶。遶青通德里。餘寒猶峭。衆鳥爭含花蓋。愛靜方彈焦尾琴。臨書更用澄心紙。燕入畫樓。

名家詞鈔

休園

六

魚遊春水 池上清流見底。又是一番新桃李。古人秉燭夜遊。良有以耳。聞門謝客。封蛛網。看竹人來時。啓初桺懷金暮山拖紫。

滿江紅

休園苦雨用曹顧菴尤悔菴倡和原韻

暑雨連朝。百川灌墨。池新漲。方自署小亭。寒碧此君無恙。圖画久縈黃海側。聲施休附青雲上。幸甌香茶嫩。故人來。堪分餉。山水影。樓中漾。嚶鳴鳥。枝頭唱。對一丘一壑。欲傾家釀。問水偶乘書。画舫登山也策。葡萄杖。歎人生如夢。幾時醒。邯鄲狀。

前調 午日休園再疊前韻

積雨時晴。天中日黃灣。濤漲聞競渡。魚龍鬪技。錦帆
無恙。弭屈同哀。湘水畔。擬陶高卧。羲皇上。喜榴花偏
襯舞。裊紅如相餉。長命縷。波間漾。采蓮曲。樽前唱。
笑未能免俗。且斟蒲釀。語石自揮高士塵。臥遊焉用
仙人杖。問画船簫鼓。近何如。無佳狀。

前調 白燕

燕燕于飛。王謝遠風流。湮滅何意見。差池其羽。澹粧
殊絕。舞向珠簾空是色。踏殘玉樹晴。還雪看春來。柳
絮滿池塘。如霏屑。湘水上。清波折。梨花院。寒光掣。
任朱門搖曳。其身歸潔。粉黛不隨鶯共。嘯忘機。獨與
鷗同列。正懷人日暮。太無聊。空梁月。

前調 秋興

秋色佳哉。見楓樹百重。泉挂長自在。青山一帶。江流
一派。學道請觀齊物論。歸田還把桑麻話。正登臨。魚
鳥喜來親。忘機械。水隨處有尋常債。腹無物。何須矚
甚掌中安置。大千世界。李白一杯人影。月鄭虔三絕
詩書画。再休將皮相論英雄。觀成敗。

前詞 雪霽

快雪時晴。人道是豐年嘉瑞。還記得子猷訪戴。袁安高睡。雲破長空分遠近。月明千里。渾天地。問後園脩竹。可平安都沉醉。搖銀海。光如刺。聳玉樓。寒且避。對瑤華遍野。越添清思。方朔不完東郭履。宋楊久向程門侍。再休題圓壁。與方珪。條風至。

前調

方雲將招飲黃石園

對酒當歌。况坐我重山疊嶂。行樂耳。茅亭初構。荷池新漲。黃石化爲衣。褐老紫雲譜。出霓裳唱。問茂林脩竹。幾千尋。雲霄上。駕一葉。隨波漾。君不飲。家多釀。更登高舒嘯。蜀岡相望。伯氏久叅指月錄。諸兒還破乘風浪。笑人生碌碌。爾偏閒。惟天放。

鳳皇臺上憶吹簫

挽汪汝霖孝子

蘭臭偏摧玉。貞多折。古來無限傷心。自儒珍席上。不愧璆琳。長慮高堂垂白。蕭寺裏。學海鉤深。親嘗藥。矢將身代果。動天矜。追尋德音未遠。檢愛日遺詩。如見哀吟。推孝思。執友錫類分金。惟有大椿彌茂。應慰爾子和鳴。陰相憐。處西河同病。又感書淫。

前調 挽許方歲甥孫兼慰力臣二甥

富貴宜寬聰明宜厚。爾嘗動協良箴。聽玉樓蚤賦。泣
下沾襟。每美芝蘭玉樹。潯園裏春涉秋尋。斯人死坐
看卿在。誰是渾金。傷心山河。邈若盼宿影。亭中壁
碎珠沉。方教探指月。悟後呻吟。方歲童年穎悟絕倫兼通禪藻忽遺
西河大痛。須自信天道難。謀情鍾處。正在我輩太息
人琴。

水調歌頭 琴學

聞道水仙操。三載始成聲。至於精神寂莫。慘澹未經

名家詞鈔 休園

九

營。東海操舟不返。海水山林。汨沒群鳥共悲鳴。四望
仰天歎。今乃足移情。奏廣陵。彈綠綺。浪成名。清涼
原由木性恬淡自和平。莫使向山流水。可惜鍾期已
死。古調許誰賡。但識琴中趣。何用嶧陽生。

滿庭芳 秋尋

樹染春紅。山凝暮紫。朝來爽氣偏侵。坐無拘忌。攜手
共登臨。多少悲歌感慨。且消受山水清音。江天外。孤
鴻渺渺。蕭瑟滿寒林。秋尋。當此日。芙蓉照水。橘柚

垂金。更采得黃花。酒熟堪斟。勿負二分明月。松間鶴

尚舞層陰多情處。清歌一曲墮珥苔琴心。

漢官春

聽韓脩齡說史

醒世韓生能現。百千年而爲說偈。齊諧野史。多少荒唐奇譎。睿堯非桀。任粧成揮金竊鐵。雄辨高談。驚四座。惟爾董狐精覈。休嘆昔人湮滅。斷一場公案。誰爲昭雪。片時揮塵。勘破幾朝優劣。笑嘻嘻罵盡文章。明明如月。當酒後雄心未已。頻擊唾壺曾缺。

萬年歡

壽李又青先生八峯

筮仕刑曹。惟咸中有慶。恤先閩服。瑞焰方張。昭雪反

名家詞鈔

休園

罹冤獄。殲錦帆于海族。又掃蕩肝江妖毒。功成日早。賦歸來。夢回百年蕉鹿。郊居休沐。更婆婆桑麻場圃。黃老披讀。八十登朝。豈若東山絲竹。遙想簪纓似續。海氛禍獨膺。天福休欣。羨洛下耆英。地行仙在盤谷。

念奴嬌

題阮晉林臨顏米書用東坡韻

書分八體。歎臨池幾見鍾王人物。杖挂百錢。人道是。阮宣家餘四壁。鐵畫銀鈎。風檣陣馬。避俗惟冰雪。米顛而後。風流獨數書傑。遙想舞鶴遊天。飛鴻戲海。

振筆如花發。自析蘭亭肥瘦。本半似曉星明滅。我亦塗鴉。有懷柿葉。笑墨濡華髮。雲山樵水。一樽同醉。明月。

前調

送孫無言歸黃山次顧菴梅菴西樵韻

空諸所有。見紙窓竹屋。琴書清絕。二十四橋明月夜。露冷侵衣如鐵。但看花開不言人過。且捫懸河舌。故園窈窕。時來長者車轍。憶昔騎鶴揚州。觀濤邗水。暫賦今年別。秣馬膏車無定日。三十六峰空熱。飛倦知還。無心出岫。莫笑歸來拙。問君何事。常攜一卷冰

雪。

前調

題子綱家叔画

乾坤如画。看丹青誰解。山川映發。動操鼓琴人。道是少文。卧遊四壁。惜墨猶金。傳神阿堵。直逼王摩詰。廣文而後。吾家再見三絕。思古畫水。聞聲點睛。飛去落紙成神物。自判宋元疎密處。又啓後來工拙。我欲繪圖。抗心希古。終愧歸來拂。雨花臺上。何時同醉。明月。

前調

甲亡友方嘉客程五玉

我來弔友上平山。且效西臺痛哭佳麗繁華何處是。
只有寒烟滿目。柳外斜陽。水邊蒿里。忍見牛羊牧。
一朝千古。東山誰共絲竹。遙見搗鼓風流。柯亭逸韻。
淚灑廣陵曲。歌吹竹西今已矣。愁聽足音空谷。流水
高山。知音已去。莫把琴絃續夢。君顏色。月明猶照梁
屋。

畫錦堂

贈戴霞涓寫照

面似凝脂。姿猶傅粉。幾人顏駐長春。每歎光風霽月。
轉盼沉淪。惟有傳神工阿堵。亂頭麤服。總如神。今安

名家詞鈔

休園

十一

道儒雅風流。画師應是前身。清新樂志論豪生說。
幽人孝子同伸。咄咄胸中丘壑。眼底嶙峋。鼓琴動操。
山皆響。鴻飛目送。筆無塵。當如是。長見烟雲供養。坐
卧花茵。

望海潮

廣陵燈船同袁令昭杜于皇賦

東南佳麗。竹西歌吹。揚州自古繁華。烟柳迷離。華燈
爛熳。赤城千丈飛霞。金粟照棲鴉。珠光驚宿鷺。下夜
浮家。滿座珠璣香焚蘭麝。競豪華。古亭猶帶蒹葭。
有萬竿竹影。十里荷花。度曲停雲。吹簫咏月。仙仙屢

舞。釵。斜。法。海。擁。高。牙。古。來。遊。秉。燭。如。泛。仙。槎。又。見。真。
人。天。際。弄。琵琶。

沁園春

郊居懷友

有美人兮。示我周行。在水一方。憶河梁。携手曾爲折柳。朝來爽氣。似對清光。思發花前。人歸雁後。月落猶疑照屋梁。披衣起。有山川脩阻。雲漢爲章。郊居萬木垂涼。不獨是荷花十里香。但東園載酒。宜安小艇。北窓高卧。更結繩床。身隱焉文。知希自貴。人道名山好。自藏會心處。正黃鸝度曲。白鷺飛霜。

名山詞鈔

林園

十一

前調

走馬燈

正。月。始。和。踏。歌。入。雲。梅。月。雙。清。况。時。當。三。五。金。吾。不。禁。強。稱。百。二。烽。燧。無。驚。安。不。忘。危。來。朝。走。馬。旋。轉。真。標。掣。電。名。騰。空。處。看。玉。關。暗。渡。鐵。騎。宵。征。夜。來。金。鼓。齊。鳴。似。細。柳。營。中。按。轡。行。但。馬。蹄。無。跡。須。防。後。勁。旌。旗。有。影。已。露。先。聲。一。夕。火。攻。四。方。風。動。寄。語。將。軍。莫。請。纓。炎。滅。喜。風。烟。頓。息。日。月。銷。兵。

宗定九元鼎曰鄭水部公詩餘在宋人則似黃山

谷辛稼軒在今人則似曹顧菴宋荔裳皆從清
爽中別具一副神力昔鍾伯敬謂元次山詩有
異趣奇響在盛唐中自爲一調可知古人中無
所不有選梅村芝麓兩公穠麗綺艷之後急選
水部靈與古澹之詞若干首正取以救俗手套
襲宋元詞語千篇一律之陋

杜茶村澹曰休園先生詞喜其無當行習氣正如

餐霞羽客結屋深山採木爲糧久不食人間烟

各家詞鈔 休園

十四

火者細翫之真無一字猶人又無一字不典洵
詞家拔宅飛昇之技

吳蘭次綺曰吾鄉水部鄭士介先生所製詞託旨

深遙而奇懷亮節固有吐字成聲不極其情不
止者海內人士讀其詞謂其靜者可鑑莊者可
銘秀者可餐珍者可佩誠非虛語也先生解組
歸田以著述自娛開構亭閣池榭爲習靜之地
扁曰休園與南北往來士大夫題咏其中論者
謂不減司空表聖之高致

名家詞鈔目錄

廬陵 聶先 晉人

篋定

長水 曾王孫 道扶

守齋詞

山陰 呂師濂 黍字

梅子黃時雨 夏雲峰

驀山溪 夏初臨

並蒂芙蓉 隔簾聽

意難忘 鞦韆毬

名家詞鈔目錄

瑤臺聚八仙 天香

拜新月慢 齊天樂

蘇幕遮 明月逐人來

臨江仙

山翁

水

曾王孫

晉人

名家詞鈔目錄

守齋詞

山陰 呂師濂 黍字

梅子黃時雨 客端州對梅雨作

遊憶春分見梅子箇黃牙底酸濺到戴勝鳴桑落完
金彈今捉蒲葵來對雨已過兩月光換家園畔筍
曬嫩尖茶焙方片天半轟雷搖電瀉銀河頃刻乾
坤瀾漫恐鬪躍魚龍交愁鶯燕娛老琴書新潤濕太
陽思借休噴飯還牽絆得無荔枝淋爛

夏雲峰

賦得夏雲多奇峰

名家詞鈔 守齋

運籌堂高樓外雖逢盛暑猶涼朝暮雨晴不定儵忽
陰陽蔚蒸雲物如岱嶽滴翠飛光看不厭枝崖蔓壑
漏教長此中可構丹房鎮容我淹留霧蓋烟幢服
食木芝石髓縮到錢唐倚闌端睨是一幅僧繇沒骨
飄縵生香

鷲山溪

送友歸山陰

送春無奈又送人歸越樽酒豈交情聊以代柳條贈
折離愁千斛挂向布帆中風烟渺雲山疊珍重他鄉
別若耶秦望誰不瞻思切母氏倚柴門抖零丁淚

沾白髮。絕裾知悔。溫嶠笑吾該。天涯况平安。札都藉君傳達。

夏初臨 立夏和萬吳兩先生

穀雨方辭。麥秋俄至。溫風慣度炎州。人在窮途。鶯歌燕舞。渾愁只應樵斧漁舟。又何堪御李依劉。逢時傷暮。捫心斷魂。歸計難謀。能詩萬楚。妙翰吳均。肝腸幸許。水乳同投。山晴月起。携登紫翠層樓。大白教浮。縱雄談玉落珠流。夏當頭。雙揮綠毫。思發花抽。

並蒂芙蓉 初夏見木芙蓉盛開

名家詞鈔 守齋

二

老去看花。任宛如霧裏。仍高遊興。前日送東皇。漸紅瘦。芳逕。誰知水邊木末。露出酡容似初醒。翠衿掩映。壓疎桐。晚菊東籬金井。鄉園此時亦熱。更如年日影。思賒秋色。就切禱天公。也難必依聽。今朝拒霜媚眼。只覺羅衣生微冷。地過庾嶺。警寒梅小春開整。

隔簾聽 枕上聽鸚鵡詞孟襄陽春眠不覺曉句

香稻啄餘饒舌。慣把天催曙。花窓正味高眠。趣奈絮逼呢喃。碎於怨慕。意再注。是吟哦浩然佳句。人憐

汝當筵題賦。惹到將軍妒。洲邊草色晴川樹。至今含

恨寔由君故恍然悟何如不言爲愈

意難忘

見月懷朱別駕遊德慶州未還

花底無聊伴掃翁雪舫謀及漁樵斜曛辭屋角素影
逗林梢懷別駕滯遊橈長夏若來消定踞牀酒如川
吸句必冰雕姮娥曉我心勞着銀蟾拭鏡珠蚌乘
潮星巖呼可近錦石望仍遙德慶之山名曰錦石人遠隔首重
搔何事忽聞簫引羈愁直飛天上與月同高

輓繡毬

詠珊瑚毬花

天把紫丁香團簇就丹砂包裹映霞如灼當風能滾

名家詞鈔守齋

三

問誰曾見只生嶺外不來江左或是莽騫奇貨同
首藉筠筇攜過石崇王愷漫誇空賽猜他昨夜多應
被杜鵑啼破

瑤臺聚八仙

寶月臺落成

聞說斯臺宜避暑涼在綠雪榕槐野塘流水風動欲
溼遊鞋山色沾眉收象郡海光送目想珠崖躡層階
可通帝座云絕纖埃留傳朔自孝肅臺朔于包茅肅公命名寶

月想命名寶月義取澄懷榱桷飄搖風雨沒草沉苔

元勳慷慨脫俸

謂制府吳公也

旣輪奐還懸玉篆牌端陽日

訂擊鮮載酒。天上登來。

天香 觀製萬壽怡香

久○視○長○生○無○愁○鎮○悅○伊○誰○得○以○如○此○好○箇○香○名○巧○將○
人○祝○每○思○購○他○方○子○韓○康○肘○後○新○解○贈○三○行○綠○字○買○
日○龍○涎○有○否○春○時○麝○臍○加○未○纔○知○性○情○更○異○不○宜○
燒○只○宜○輕○沸○惹○到○遠○蜂○鄰○蝶○一○般○歡○喜○何○幸○投○吾○四○
兩○手○微○觸○流○涎○已○沾○袂○那○覓○銀○窩○鈎○簾○煮○試○

拜新月慢

運籌堂對月坐話

射○日○教○沉○呼○風○微○至○攤○飯○邀○涼○南○牖○夾○竹○桃○花○倚○雲○

名家詞鈔

守齋

四

欄○開○茂○廣○寒○裏○擲○下○銀○毬○一○箇○彷彿○籠○來○紅○袖○抱○膝○
披○懷○此○清○光○生○受○塵○頻○麾○玉○屑○飛○冲○斗○蟾○高○吐○寶○
氣○明○於○晝○落○魄○瘴○海○蠻○鄉○得○雙○睂○舒○皺○賴○傾○心○寫○意○
皆○良○友○星○文○聚○太○史○應○占○奏○談○不○了○昨○是○今○非○約○明○
宵○還○又○

齊天樂

五日譙錫社堂

今○朝○剛○是○天○中○屆○鄉○心○忽○飛○天○外○北○海○風○高○延○陵○誼○
古○雅○設○瓊○筵○恭○待○登○伴○物○怪○却○都○產○龍○宮○故○屏○蝦○菜○
掩○內○香○醪○亦○從○番○舶○萬○錢○買○堂○深○簾○靜○日○不○命○分○

行左舞右歌相賽。黑鬼盤跚。紅兒窻窳。喜得賓僚無
奈。擎犀擲采。竟醉倒朱家。竹牀眠在。朱別駕大醉
卽軒臥堂西起
看新蟾半彎。沉醉靄。

蘇幕遮 新秋用周美成韻

燕將歸。鱸尚小。初拂金風。桐葉辭柯少。大火雖流炎
更峭。嶺外迎寒。出月還嫌早。玉繩低。香霧裊。檀板
瓊笙。預引黃姑到。今夕由他蓮漏杳。醺醪如泉。莫說
天能曉。

明月逐人來 制府中秋公燕限用張蘆川韻

名家詞鈔 守齋 五

山收紫翠。琴停綠綺。裴徊望。逃離雲水。布筵露井。舫
近姮娥意。共道天香可致。多謝尚書高興。呼童歌
吹。投車轄。何人不醉。夜分欲冷。攜出公孫被。卧裛金
波灑氣。

臨江仙 訪友留飲有贈

黯澹灘頭纜。到昆明池上。初逢羅雲縠。霧帶香風。兩
岐眉簇紫。三斗靨微紅。遭亂最憐王粲。嘗泉無遜
盧仝。縹緗高擁百塵空。清思在物外。尋菊養瓶中。

吳菌次

綺

曰黍字讀書破萬卷壯遊遠萬里而不

遇若此不得已而漫興填詞出入於秦柳辛陸

之間致况蕭瑟良可哀也然讀其辭華流麗鏗

鏘和雅若出金石宛然正始之音吾於是不奇

黍字之才而奇黍字之養矣

聶晉人

先

曰鈔詞以氣骨為主故專尊平易疎暢

一路以矯近來挾摘刻削之弊吾友及山夫常

道黍字天下才也其為詩詞章法雄橫有清廟

明堂之聲力致太平之氣今讀其守齋一編洵

名家詞鈔

守齋

六

知黍字之作豈獨為詞壇藥石也哉

後黍字未不本也其為詩詞章法雄橫有清廟

明堂之聲力致太平之氣今讀其守齋一編洵

知黍字之作豈獨為詞壇藥石也哉

黍字之才而奇黍字之養矣

後黍字未不本也其為詩詞章法雄橫有清廟

明堂之聲力致太平之氣今讀其守齋一編洵

知黍字之作豈獨為詞壇藥石也哉

後黍字未不本也其為詩詞章法雄橫有清廟

吳菌次

綺

曰黍字讀書破萬卷壯遊遠萬里而不

名家詞鈔目錄

廬陵 聶先 晉人

纂定

長水 曾王孫 道扶

蔬香詞

錢塘 高士奇 澹人

滿庭芳 南柯子

點絳脣 應天長

漢宮春 鳳凰臺上憶吹簫

蝶戀花 憶蘿月

名家詞鈔 蔬香目錄

天仙子 臺城路

玉蓮花 怨王孫

花發沁園春 邁陂塘

倦尋芳 笛家

金縷曲 南樓令

水龍吟 滿江紅

沁園春 念奴嬌

玉蝴蝶 青玉案

賀新郎 撲魚兒

鵲橋仙

金菊對芙蓉

東風第一枝

踏莎行

鬪百花

臨江仙

雙調望江南

五調

風入松

八聲甘州

蘇幕遮

名家詞鈔

蔬香
目錄

蔬香詞

錢塘 高士奇 澹人

滿庭芳 九月八日慈慧寺

汀冷眠鷗。天空過雁，農家喜得秋晴。閒尋佛舍，籬落吐金英。柿葉槐梢亂墮，憑樓望、林樾疎清。郊原裏，畦蔬香翠，幾處轆轤鳴。
含情重九近，雙螯斗酒，鱸膾尊羹。憶西湖何時重去，晝舫銀箏。少日乘風舊願，餘年屈指堪驚。低徊久，寒烟斜照，歸騎向層城。

咏秋海棠

名家詞鈔 蔬香

嫩碧叢新葉，嫣紅綴小枝。籠烟浥露更多姿。閒倚疎關偏稱晚涼時。冷艷粧初卸，微酡態故低。非關春睡也相宜。別有風情無地著。相思。

點絳脣

寓齋小弁霜時尚著花鮮艷

老更多情。殷紅深碧開還好。露寒霜早。憔悴花多少。搖落蕭齋。幾陣西風到。憐清曉。疎枝低嬾。一點芳心悄。

應天長

幾番憔悴。羞明鏡。閒卻玉梳。髮不整。紗窓靜。秋宵迥。

懊惱郎心無箇定。悄過花外徑。黃葉又堆金井。夢斷鴛鴦枕冷。淒涼還益病。

漢宮春

新年舊事

一夜東君把殘年餞盡。景物宜春。椒酒頻頻傳坐玉。勤雕輪。五陵豪貴競銀盤。細菜堆新。還堪羨。釵頭蠟鳳迎風。微暉輕雲。都下連朝驟暖。看柳絲梅萼弄色三分。無心追歡行樂。靜掩衙門。履穿東郭。尚羈棲未得承恩。祇自喜。年華方壯。功名豈妬他人。

鳳凰臺上憶吹簫

名家詞鈔

蔬香

翠館停歌。紅樓罷舞。一時燈火都收。又鵝黃著柳。鴨綠回洲。料峭曉寒初破。無限事勾引心頭。添憔悴。半緣多病。半爲多愁。悠悠春光媚也。縱撲蝶揜花。何地嬉遊。念赤闌橋下。錦纜維舟。當日管絃觴詠。親曾見醉裏溫柔。繫人處。淺嗔微笑。萬種風流。

蝶戀花

春思

落盡楊花飄盡絮。絮報道春歸。不見春歸路。欲問春歸何處去。數聲窗外流鶯語。殘夢驚回天未曙。暗惜韶華半是風塵。誤怨綠啼紅。誰可訴。柔腸一寸愁千。

縷

憶蘿月

送石林假歸柳溪草堂

馬頭殘月暫別黃金闕。一路秋山楓落葉。到向菊花時節。江鱸稻蟹堪烹。交知日聚茆亭。應爲蒼生念切。烟霞莫滯王程。

天仙子

七夕後一日示內

昨夜梧桐飄玉井。碧天初洗銀河淨。輕衫綉扇看雙星。愁難整。闌同凭。忽記十年湖上景。浴罷嫩涼生。晚徑高樓細月懸。清影風吹裙褶藕花香。閒情性。休

名家詞鈔

疏香

三

重省樂得雙棲渾不定

臺城路

苑西梳粧樓懷古和成容若

雕闌幾曲層臺上。舊是廣寒宮宇。綺綬迎風。珠錢漏月。想見玉虹金露。舊有玉虹金露亭及荷葉殿穠華無據。但錦石生苔。秋花點土。艷粉香脂。珮環聲作疎疎雨。堆雲

橋外徙倚。尚澄湖一片。晚霞孤鷺。雁柱調絃。鸞戲寫怨。無限當年情緒。長安砧杵。共蟋蟀悲吟。惹人詞賦。繫馬垂楊。依稀聽梵語。

玉蓮花

題同輿封舍人韻曲圖

蒨蓋穠香。小坐紫薇庭院。倚雙鬟。清歌宛轉。移商換羽。惹周郎微眄。是林梢嫩鶯初轉。脉脉蘭情。故把玉簫聲斷。笑琵琶當年。訴怨江州。司馬枉自青衫澆。那省識。画图人面。

怨王孫

九日

北。旋。河。濁。西。隄。柳。變。竹。屋。疎。窓。時。聞。斷。雁。乘。興。獨。立。檐。前。蔚。藍。天。亭。阜。木。葉。蕭。蕭。下。萸。堪。把。又。是。重。陽。也。龍。山。會。上。人。靜。濁。酒。堪。賒。對。黃。花。

花發沁園春

和容若種桃

各家詞鈔

蕙香

四

冷。露。凝。香。暖。烟。拖。艷。穠。華。一。簇。誰。主。倩。榆。粧。靨。映。羣。眉。做。出。幾。多。妖。嬈。移。根。繡。戶。却。不。是。武。陵。溪。渡。淡。白。乍。染。柔。風。嫣。紅。更。透。酥。雨。還。向。闌。干。淡。處。慣。倚。輕。盈。弄。色。把。人。偷。覷。粉。腮。半。醉。玉。面。微。酡。脉。脉。芳。情。誰。語。蜂。窺。蝶。認。生。怕。落。英。滿。路。記。當。日。天。寶。宮。中。曾。有。助。嬌。新。語。

邁彼塘

送尤悔菴檢討歸吳

記。丹。霄。親。聞。天。語。長。卿。詞。賦。能。擅。右。銀。臺。路。承。恩。最。切。名。重。槐。廳。蓬。觀。瑤。水。讌。早。應。制。詩。成。禁。裏。爭。傳。

遍梅卷先生有燕臺應制詩三十首紅墻隔斷奈舊日神交幾年聯

簾相見恨偏晚。尊鱸典要赴秋帆。便碧空萬里雲
歛。洞庭香橘千頭。熟到及新霜紅染。南去雁恰一路
隨君影落吳洲遠。江城歲晏。恁小榼輕舟。落梅殘雪
寄我醉吟卷。

倦尋芳宿羊腸河

纔晴便雨。試暖翻寒。禁烟時候。一林泥金。烘染夕陽
林岫。嘆韶光隨逝水。鶯花轉眼成辜負。數郵籤恁茫
茫。過盡羊腸入首。羊腸河人首山途所經也西湖曲鈞磯無恙

名家詞鈔疏香 五

買片春帆。欲歸難驟。何處封侯。幾度陌頭楊柳。憶得
今宵燈燼暗。小窗曾夢遼西否。乍聽殘五更風。乳鴉
啼又。

笛家尾從宿柳條邊夜坐

魚尾梢殘。兔華舒滿。遙天淡泞。薄雲忽送疎疎雨。黑
山不斷銀礫無邊。柳梢誰捕。青青如許。碎葉當城。倡
條宛地。宛似笆籬護。計征途。幾千里。此夜偶隨落絮。
最苦。沙場當日。玉龍按曲。萬疊關山。白雁題書。
繩。鄉路冷落着盡鐵衣人老。若箇刀銀歸去。我今何

愁。毡車茸帽，靜把更籌數。燒炭獸炙黃羊。况有瀉壺
漚乳。

金縷曲 塞上見杏花

絕。寒。山。無。數。動。羈。愁。馬。頭。雁。底。黑。雲。黃。霧。拚。得。今。年
春。草。草。落。盡。垂。楊。輕。絮。知。道。是。東。君。留。否。驀。地。花。開
橫。小。阜。據。吟。鞍。錯。認。江。村。路。吹。幾。點。洗。紅。雨。天。斜
似。解。憐。人。語。問。春。風。玉。門。關。外。緣。何。也。度。嫩。蕊。穠。香
空。艷。冶。不。見。蝶。圍。蜂。舞。只。惹。却。晴。絲。牽。住。已。斷。青。旗
沽。酒。店。待。脚。躡。畫。角。憑。催。去。搖。鞭。影。日。亭。午

名家詞鈔 蕪香

南樓令 葉赤城下咏雨中梨花

淺。草。亂。山。穉。驚。沙。黑。水。流。好。春。光。只。似。窮。秋。剛。得。一
枝。花。到。眼。經。雨。打。又。還。休。遙。憶。小。紅。樓。玉。人。樓。上
頭。月。溶。溶。催。和。香。篝。肯。信。東。風。欺。絕。塞。都。不。許。把。春
留。

水龍吟 春日直大內南書房恭紀

六。街。燈。火。初。收。匆。匆。又。過。元。宵。後。宮。梅。半。吐。池。冰。未
泮。暖。風。微。逗。料。峭。餘。寒。迷。離。輕。靄。着。花。催。柳。看。韶。華
點。染。春。光。裏。年。年。譜。出。江。山。繡。紫。禁。承。恩。非。偶

御爐香時攜滿袖。茅檐下土。荷衣賤子。只宜吹飲白
玉重階。黃金高殿。此身奇遺。喜堯天舜日。熙熙皞皞。
四方安阜。

前調

曉峰新翠飛來。錦帆半渡。春江微恰。纔回首。碧羅天
淨。弱雲微抹。咫尺蒼茫。狂飈驟捲。怒濤歡雪。訝盆翻
白雨。松林轉黑。紅一綫。雷車掣。如此風波。怎去。意
回船。頭剛歇。野爐爭擁。征衫未爍。薄寒猶怯。遼日
遺墟。金源舊事。斷垣殘堞。有當年遺甃。土花蝕繡。聽

名家詞鈔

蔬香

七

漁人說

本朝初年有漁人于
江岸掘得宋錢一甕

滿江紅

新秋直

大內南書房喜雨

萬里銀河。憑空裏倒翻車軸。雙闕外。沉雲乍湧。六鰲
山轟。駭浪欲傾三峽水。飛流似挂廬山瀑。喜乾坤頃
刻。徧新涼。消煩燠。風不斷。烟還續。雨勢急。雷聲伏。
見離闌碧甃。跳珠濺玉。天上甘霖膏澤遠。人間禾黍
霑濡足。算秋來洗滌四郊清。吾君福。

前調

過孫赤崖客寓感懷

雪釀餘寒。容易放帝城春色。盡日裏濃霧濕霧。殢人

愁絕禁苑啼鶯聲尚杳。御溝流水嘶還結。盼東郊暖
律。扇。麝。蕪。何。曾。得。獨。騎。馬。衝。泥。陌。共。執。手。懷。今。昔。
歎。梁。園。賓。從。一。時。南。北。燕。市。酣。歌。人。未。老。長。楊。獻。頌
恩。偏。切。只。如。今。轉。眼。看。晴。光。來。雙。鬪。

前調

贈朱十錫鬯

文。采。風。流。問。當。代。誰。爲。詞。客。近。十。載。論。交。京。洛。羨。君
顏。色。艷。句。魂。消。隋。苑。柳。鍾。情。酒。醑。秦。淮。月。向。旗。亭。暗
賭。唱。新。詞。人。稱。絕。燕。市。裏。羞。彈。鋏。傾。蓋。處。惟。吹。笛。
更。疲。驢。皂。帽。公。卿。爭。識。杜。牧。才。華。增。爽。朗。林。宗。豪。舉。

名家詞鈔

疏香

輕榮適。但逍遙。天壤作閒人。眸青白。

前調

喜謝青至都夜話疊前韻

委巷蕭齋。驚剝喙。何來佳客。共執手。言歡道故。暫舒
愁色。洗竿急。傾燕市酒。挑燈細。訴湖頭月。嘆頻年。薊
北。與。天。南。音。徽。絕。休。問。取。馮。生。鈇。且。莫。弄。桓。伊。笛。
笑。吾。人。放。浪。風。塵。誰。識。詩。卷。茶。鐺。聊。自。慰。漁。竿。樵。斧。
期。同。適。話。萍。踪。不。覺。漏。聲。殘。東。方。白。

前調

秋懷

秋氣蕭森。登眺處。那堪縱目。忽回思。西泠橋畔。南屏

山麓幾片梧桐飄露白。千頭橙橘垂烟綠。更画船簫鼓鎮紛紜。聽歌曲。花月底。行觴促。河山外。啼鶻續。歎無端。燕市頻年擊筑。露冷剛來邊塞雁。天寒未放東籬菊。但高吟。獨對暮雲橫。傾醞醪。

沁園春

賦益都相公萬柳堂

問訊東郊。尺五城陰。名園乍開。甚藥闌繞處。未移湘竹。花源尋後。不數江梅。一種風流。先春占了。社酒旗邊。紅杏媒。絲絲裏。見亭亭樓榭。曲曲池臺。此中肯放徘徊。便隨意。逍遙石徑。苔看拖條筇杖。玉階催去。

名家詞鈔

蘇香

九

穿雙筍屐。瑤圃纒回。多少騷人。孫弘座上。吟盡江豪。吐鳳才。飛綿。及待夔龍攜手。捲過塵埃。

前調

葉詞卷編修見過不值

滿徑蓬蒿。四壁蕭條。車騎誰來。訝瀛洲太史。退朝偶過。應門稚子。啓戶驚猜。佩隱金魚。馬嘶玉勒。爲問高生。笑往哉。長安市。向故人。索米。古寺尋梅。情淡久坐。茆齋。把破卷。殘書。手自開。笑。鍊。狂。風味。室。無。長。物。羈。棲。景。况。席。已。生。埃。微。雪。初。晴。輕。寒。向。晚。未。忍。留。題。鳳。字。回。歸。時。候。感。歲。宗。青。眼。頻。顧。吾。儕。

念奴嬌 扈從過十三山下值清明

年華幾許。怎芳春兩度不曾憐惜。古戍黃雲嘶馬去。客裏又逢寒食。冷雨攢衣。顛風掣帽。俄頃前村黑。瓦鑪松火。恁時儘也消得。凝想水國繁華。畫裏羅扇處。處處喧歌席。柔櫓嘔啞。花影外。綠賦葡萄千尺。異地今朝。傷心楊柳。纔露些兒碧。十三山下。伴人一片穹石。

前調 逆巖蓑友還無錫

春來南闕。早匆匆綺陌華燈燒徹。積素凝寒天未轉。

名家詞鈔 蔬香

十

滿地亂瓊鋪屑。嶺上揆梅。林中覓草。鄉思尊前發。送君歸去。陽關不唱三疊。到時第二泉頭。芳菲綠岸。嫩柳搖新月。青笠綠簑輕舴艋。墜釣鱸魚盈尺。佳醞頻斟。荒園日涉。天地真家。潤懷人京洛。詩成好示遙札。

前調 送徐方虎編修歸吳興

梧桐愁老。正西風吹動川原初肅。露冷天空鄉思遠。惆悵故園松菊。箸澤魚肥。烏程酒美。手破新橙綠。扁舟草履。何妨雜處樵牧。幾載待漏東華。鳳凰池上。

應制詩頻促。此去曉風楊柳岸。別是一篇題目水滿橫塘。雲連翠幄。處處供遊目。城南相送。爲君引滿擊筑。

前調

送沈覃九二闕

苑西客舍喜君來。苔徑蕭條能住。宦拙盤餐兼味少。只有新葵帶露。竹几迎風。湘簾對雨。蒲扇暑天午。賦成洗硯興酣。一寫今古。憶自癸丑春前。城南相見。快讀金荃句。只道江湖歸未晚。竟被浮名相誤。聽鼓應官。朝朝走馬。愧作居停主。才華激灑。休文莫歎難

名家詞鈔 疏香

十一

遇。

前調

平生野性。但頻思好水好山深處。何處騎驢都市裏。不道偏承異數。暮惹爐香。曉隨天仗。歲歲朝還暮。一經教子。趨庭自昔俱誤。多君不厭貧家。吟牋筆格。隨事開愚瞽。雞肋功名終棄擲。歸向西湖湖渚。扣犢耕田。拿舟載酒。風月原無主。殷勤相訂。往來百里烟樹。

玉蝴蝶

有感

十載江南薊北。萍踪不定。虛送韶光。相對春燈夜話。
往事難忘。柳絲搖風。翻翠袖。花影亂日。晃明璫。總堪
傷。吳宮宋苑。燕壘空梁。癡狂。西陵松下。幾番密意。

都付荒唐。書劍飄零。做裘寥落。少年場。擬重尋。夢中
蛺蝶。休追憶。湖上鴛鴦。向閒堂。淡松殘雪。鐘漏微茫。

青玉案

題蔣友誼

暝烟輕染橫塘樹。微寫出江南路。斷岸危橋疑可度。
桃花溪澗。葭蘆浦溆。總隔濛濛霧。剡藤半幅無多
處。意外山川深幾許。鄉思年年朝復暮。青帘沽酒。回

名家詞鈔

疏香

十一

船聽雨。何日成歸去。

前調

谷將涼少

晴陽媚。月春花粲。差堪比君詞翰。第二泉邊。三徑遠。
青絲絡馬。紫烟籠袖。肯爲蓬蒿戀。子虛定有同時
美。筆露文瀾。驚撲面。十二碧闌遊已遍。紅亭詞句。翠
鬢歌曲。且把青樽勸。

前調

雁字

長橋一幅。拖藍紙。見幾陣鴻成隊。亂墨斜行。低映水。
菰蘆灘上。蓼花洲裏。影出飛騰勢。年年霜信來千

里。碧海空濛何處寄。寫不盡暮紅寒翠。潯陽商婦。新豐遊子。那識相思字。

賀新郎

送成容若扈從

風吹臨晴野。看旌旄、葳蕤百里。仙郎扈駕。一簇紅雲。班隊裏。箇箇輕裝都冶。應只有長卿閒雅。誰識胸中才八斗。任浮沉、執戟鑿輿下。白玉勒花驄馬。天高風緊斜陽也。聽傳宣、離弓新上。錦鷹初架。霜落草枯。平坂闊。好騁穿楊騎射。頻賜沐官庖。法炙不信能文兼。會武向周廬讀史。消寒夜。羽獵賦更須寫。

名家詞鈔 疏香

十三

前調

贈陳其年卽和來韻

風雅誰堪比。美元龍、胸襟磊落。詞華工麗。江左紛紛諸俊彥。端讓難兄難弟。早已著驚人姓字。幾載傾心思會面。恰相逢。又隔新豐市。黃葉落秋深矣。九重近日頻留意。正同時、班揚董賈。齊登啓事。壁上偶題紅杏句。佳話由來稱旨好。打疊金鑾應制。漫擬甘泉工獻賦。更揮毫草檄龍顏喜。沾濁酒共君醉。時陳其年初應

博學宏詞薦舉

前調

生日感懷

僕○本○恨○人○耳。嘆○孤○踪○東○西○南○北。形○骸○憔悴。自○笑○胸○中。
何○所○慕。鹿○馬○蹄○車○軌。空○送○盡○年○華。似○水○三○十○無○成。
身○漸○老。豈○吾○生○潦○倒○真○如○此。磨○滅○却。凌○雲○氣。夜○來
細○數○從○前○事。記○當○時○蘭○舟○畫○楫。山○川○清○美。誰○遣○匆○匆。
輕○作○別。到○底○而○今○翻○悔。只○落○得○悲○歌○燕○市。破○浪○乘○風。
終○有○願。且○鷓○裘○貴○酒○私○相○慰。白○日○落。寒○風○起。

摸魚兒

購月十二日成容若生日索賦

小○闌○干。早○梅○初○破。紙○窗○微○逗。香○縷○冰○輪○似○水○霜○天○淨。
遙○想○玉○門○關○路。憑○記○取。向○雪○後○衝○寒。一○片○玲○瓏○樹○歸。

名家詞鈔

疏香

古

來○歲○暮。把○衣○卸○盤○鵬。簾○垂○銀○蒜。欵○欵○夜○深○語。年○光
近○又○被○春○禽○喚○曙。匆○匆○凍○鵬○將○去。牙○香○繡○袋○渾○閒○事。
那○比○蠻○賤○鈿○柱。驚○節○序。恰○十○九○東○坡。十○二○君○初○度。酣
餘○起○舞。擬○譜○鶴○南○飛。東坡十二月十九日生日置酒
赤壁下進士李委作鶴南飛曲
樽○前○狂○叫。側○帽○睨○今○古。

鵲橋仙

同蒼林步月

古○寺○良○宵。輕○寒○浥○露。開○戶○月○明○如○素。中○庭○竹○柏○影○交。
加○疑○藻○荇○清○流○橫○布。羌○笛○誰○家。啼○烏○而○樹。更○向○空
臺○散○步。此○時○光○景○忍○高○眠。我○與○君○閒○人○有○數。

金菊對芙蓉

贈王儼齋中九

萸葉纔舒。月弦乍上。一庭桂子飄香。正西風簾額捲。
起新涼。江東文采推王粲。數烏衣名著巾箱。青宮賓
榻。玉堂講席。取次相望。爭羨棣萼聯翩。擅華年甲
第。突與文章。更詩追庾。鮑墨妙。鍾張門多吐鳳。驚人
彥。向珠筵盡捧霞觴。絳河清淺。銀燈燦爛。夜漏方長。

東風第一枝

贈孝儀及第

堤柳風和。宮槐陰綠。篆烟吹滿香霧。螭頭纔聽臚聲。
雉尾扇開頻顧。朱衣仗裏。誰得似凌雲能賦。王鞭梢

名家詞鈔 疏香

十五

快拂花驄。嘶過曲江歸路。爭傳道五湖才數。便占
了天街獨步。催他羅袖珠鈿。笑指紅樓幾度。雲璈天
樂。看縹緲笙歌迎舞。更紗籠引到瀛洲。遙睇燭蓮花
吐。

踏莎行

早春感懷

騰雪纔融。東風乍軟。梅梢歷亂春還淺。無端舊恨接
新愁。新愁更逐關山遠。竹几閒凭。湘簾不捲。半牀
拋散殘書卷。雕梁燕子未歸來。幽窗寂寞黃昏晚。

鬪百花

咏瓶中海棠

雨過園林晴晝。又早暮春前後。名花獨立。芳叢露溼。
胭脂初透。折取歸來。更覺丰韻撩人。正是欲開時候。
翠壓垂紅豆。低亞簾櫳。愛護殷勤相守。妖嬈無力。
梨花半同消瘦。怪煞東風。慣能皺染韶華。故把輕寒
拖逗。

臨江仙

試新茶

穀雨纔過春漸煖。建安新折旗槍。銀瓶細筩總生香。
清泉烹蠨眼。小盞翠濤涼。記得當年龍井畔。摘來
旋焙。旋嘗。輕衫窄袖採茶娘。只今鄉國遠。對此又思

量

名家詞鈔

蔬香

六

雙調望江南

病中和蘇友作

歸去好。竹暗小堂東。積潤乍過梅子雨。醒鬆又起稻
苗風。花放晚林紅。塵夢斷。心與海鷗同。短袂竹冠
喬木下。窄衫草屨亂流中。人事不通。

前調

堪憶處。牆繞院西樓。紅樹窓前花鬪錦。碧天簾外月
如鉤。時序總悠悠。消瘦了。少小舊風流。午摘珠蘭
纔被浴。晚開茉莉更梳頭。同坐看牽牛。

前調

多病後。翻會記當年。錦薦壺觴芳草地。画船簫鼓杏花天。旋煮虎跑泉。回首望雲水路三千。縱使客帆歸渚。土已傳戎馬。駐江干。遊冶也徒然。

前調

初睡起。晴日一竿多。嫩笋青茱纔出土。紅菱碧藕半浮波。柳外有鳴梭。風色好。弱體恰輕羅。團扇圍碁閒。承晝竹牀湘簟臥。清和。不問世如何。

前調

名家詞鈔 蔬香

十七

茅舍畔。喬木暗明湖。雨足東疇收晚稻。霜沾別圃刈香蔬。舉網得江鱸。落照處。蝦菜集槃盂。小婦金環能約酒。幼兒玉盃趁呼蒲。還羨早朝無。

風入松

夏日賜官扇紀恩

輕紈幾摺灑金泥。一握翠雲齊。沉沉晝靜蓬萊殿。

君恩重。賜出彤墀。飛白爭翔龍鳳。唐太宗賜侍臣飛白龍鳳扇五

明巧畫鷗鷁。碧闌轉午赤輪低。酒酒動涼颺。恍疑

身在方壺裏。官香細惹袖沾衣。漫說新秋到也。年年

長被清暉。

丁飛濤

彭

曰。月是何色。水是何味。芝蘭之香何香。

水烟山霧之氣何氣。其間皆有自然化境。本之於天。印之於心。出而成聲。沉雄浩瀚。有非人力所能臆造者。如學士所製蔬香詞。比之菊英蘭露。香沁心脾。讀之信然。

趙又呂

端

曰。學士天才英博。夙踞詞壇。學問品誼之高。足稱盛世羽儀。再讀其詞調。則儻然塵外之風。固已度越尋常者遠矣。

聶晉人

先

曰。葵能拱日。不如絳雲。墨可騰蛟。不如

名家詞鈔

蔬香

九

白鳳。此正言天工之妙。莫可擬議。仰之卽之。自然化境。如暗啞噉香柑。能禁其手舞足蹈。然得之於心。格格不能道隻字。吾於蔬香詞。七裏組。織華彩天成。迦陵一序。恐不足以盡之。

蔬香詞

波銷韻。香噴學士。浪樂蔬香。歸山之。深。火。韻。

然。天明之。然。心。由。而。其。雅。也。當。此。存。非。入。此。

水。臥。山。霧。之。於。可。涼。其。間。香。亦。自。然。其。韻。本。之。

下。乘。露。日。其。是。何。色。水。是。何。味。芝。蘭。之。香。何。香。

名家詞鈔目錄

廬陵 聶先 晉人

纂定

長水 曾王孫 道扶

紫雲詞

溫陵 丁焯 雁水

碧窓夢 漁父

點絳脣 菩薩蠻

眼兒媚 武陵春

桃源憶故人 柳稍青

名家詞鈔目錄紫雲

太常引題人 醉花陰二調

雙調望江南 江月晃重山

南鄉子 虞美人

小重山 踏莎行三調

一籬金 一剪梅

鬢雲鬆 醉春風

百媚娘本會王恭 風入松

傳言玉女 江城梅花引

滿庭芳 天香

倦尋芳

瀟瀟雨

瑣窓寒

百字令

三調

瑤花

水龍吟

齊天樂

春從天上來

望海潮

丹鳳吟

沁園春

賀新涼

摸魚兒

春風嫵娜

多麗

玉女搖僊珮

六州歌頭

名家詞鈔

目錄

二

六州歌頭

六州歌頭

六州歌頭

六州歌頭

六州歌頭

六州歌頭

六州歌頭

六州歌頭

六州歌頭

六州歌頭

六州歌頭

六州歌頭

六州歌頭

六州歌頭

六州歌頭

六州歌頭

六州歌頭

紫雲詞

溫陵 丁 煒 雁水

碧窓夢 春夜

蓮漏催蟾影。梨雲妬蠟明。銀箏低訴可憐情。不道翠
幃風細有人聽。

漁父 本意

坐對沙鷗香餌垂。一竿春水碧琉璃。風澹澹。日遲遲。
閒看蜻蜓立釣絲。

點絳脣 春晚

名家詞鈔 紫雲

翠帳悒悒。簷鈴驚掣。梨雲斷。海棠庭院。風颭胭脂亂。
怕說春殘。懶拾殘紅看。空悵惋。柔情千段。付與閒
鶯燕。

菩薩蠻 臘月造口感懷用稼軒韻

一年六泛章江水。江流半是勞人淚。莫謾憶南安。并
州非故山。危灘難久住。目送征帆去。雨雪未歸余。
含情聽鷓鴣。

眼兒媚 河旁偶見

新妝墮馬挽輕雲。淺笑復含顰。翠翹禪鳳。冰紈趁蝶。

微○裊○湘○裙○。盈○盈○隔○水○看○嬌○面○。擬○賦○洛○川○神○。最○難○描○
處○。雙○鸞○貯○媚○。一○盼○生○春○。

武陵春

江村縱步

一○帶○柔○藍○莎○徑○軟○。流○水○小○橋○斜○。橋○畔○桃○紅○幾○樹○花○。花○
下○是○誰○家○。人○面○桃○花○相○映○處○。咫○尺○隔○天○涯○。空○憶○秦○
簫○駕○綵○霞○。腸○斷○暮○山○遮○。

桃源憶故人

庚申三月別西山同籍汝弟

山○螺○湖○鏡○長○如○故○。一○帶○離○雲○棲○樹○。日○下○那○堪○回○顧○寺○。
遠○鐘○催○暮○。匆○匆○玉○勒○人○南○去○。前○度○桃○源○何○處○。惟○有○

名家詞鈔

紫雲

二

啼○鶯○飛○絮○相○送○陽○關○路○。

柳梢青

本意

綠○淺○黃○輕○。東○皇○初○幸○。眉○黛○爭○迎○。拂○燕○穿○鶯○。和○烟○拖○雨○。
暗○織○山○城○。便○撫○萬○綠○縈○紫○。悄○難○繫○蕭○郎○。遠○情○陌○上○
樓○頭○。絮○飛○春○盡○。空○數○歸○程○。

太常引

月夜同箇次集靈山寓齋

穿○花○漏○點○夜○偏○遲○。冰○鏡○出○瑤○池○。坐○久○露○沾○衣○。看○陣○陣○
征○鴻○北○飛○。酒○人○難○遇○。韶○華○易○駛○。到○處○負○佳○期○。相○勸○
倒○金○卮○。應○試○念○重○逢○幾○時○。

醉花陰

送春

春風隔歲重相見。暗約香魂斷。擬作採花人。蝶懶蜂
殘。驀地催人轉。落紅無主紛成片。寂寞停歌扇。最
是可憐宵。一刻殘檠。萬種思量遍。

前調

初秋雅集筵圍

開遍葵榴苔院靜。有客來芳徑。揮麈話山遊。好語蟬
聯。忘卻花釭冷。薄霧濃雲秋未醒。做雨催詩興。卷
幙且雷連。聲在桐廬。葉葉都堪聽。

雙調望江南

鄉思

名家詞鈔

紫雲

三

春去也。芳草望中連。疊疊濃雲堆恨水。絲絲弱柳織
愁烟。人對夕陽天。南鴈杳。錦字向誰傳。蠟鳳檠前
家似夢。銀蚪箭裏夜如年。清淚濕紅綿。

江月晃重山

晚登虔州望江樓和韜汝弟

縹緲晴巒如畫。參差烟樹疑秋。斜陽浪捲碧天浮。雙
虹影。終古抱層樓。身繫西南楚尾。夢驚十八灘頭。
水雲鄉路動離愁。風帆急。如箭向東流。

南鄉子

秋懷和藺次作

秋恨最無端。梧葉蕭蕭獨掩關。芳草墻陰啼促織。聲

殘鴻鴈來時客倚關。人自故鄉還。聞道鱸魚尚可餐。張翰扁舟何日去家山。夢遶蘆花月一灣。

虞美人 秋夜

夜闌立盡梧桐影。露下蟾光冷。小池風過水紋生。何處吹來玉笛兩三聲。山城薄酒難尋醉。未許愁人睡。沈郎腰瘦帶圍寬。只爲眼中心上有千端。

小重山

題畫

誰染晴巒翠幾重。一溪寒玉碧溶溶。斜陽略約斷人蹤。盤外高下路西東。板屋繞蒼松。寒蘿窓戶拓。膝堪容抱琴掃石聽鳴淙。心不競目送晚雲空。

踏莎行 春遊

青林遙山。綠勻芳墅。踏春還共春游侶。畫樓墻隔是誰家。垂楊影裏鞦韆女。墜落瑤釵。高飄金縷。傳情擬倩流鶯語。明朝酒醒好重來。東風莫灑催花雨。

前調

落花用玉鳧詞韻

亂點銀塘。輕飄翠渚。落紅牽惹遊絲舞。楚宮傾國掩蛾眉。芳容一夜埋黃土。蜂別殘枝。蝶辭空圃。無情卻恨風和雨。卸來燕嘴總成呢。憑誰寄與東君語。

前調 又

剪碎明霞。揉殘絳雪。多情相送。惟啼鴉。墜釵遺珥。滿香閨。離魂欲作經年別。掩袂看來。顰眉愁絕。傷心彈指韶光歇。畫圖空識舊崔徽。紅顏千載同悲咽。

一籊金

樹蘭

炎州八月新涼候。碧樹交枝。剗葉和烟繡。別館風迴幽夢後。霏霏香沁蟬紗透。儘堪紉佩銷清晝。隱几聞思。篆影閒金獸。鬢髮慵妝低舞袖。綠珠依約娉婷瘦。

名家詞鈔

紫雲

五

一剪梅

憶洛陽橋畔荔枝

佳麗曾稱似洛陽。霞做山光。月做江光。石欄橋迥水天長。橋爲蔡襄惠建長三百六十丈倒瀉銀潢。橫架金樑。十里薰風。錦荔香絳。染紗囊。蜜釀瓊漿。何時歸臥。恣酣嘗身。在他鄉。夢在家鄉。

鬢雲鬆

曉起

碧幃深。綃被煖。到枕流鶯。只向夢中喚。日瑩小屏宮。錦燦簾外。遙山一抹。烟鬟亂。倒紅螺。遺翠鈿。昨夜歌喉。纍纍珠成串。滿院綠陰人。不見風。颭柔紅。隱約

桃花面

醉春風

園居

茅屋剛如斗。面水開牕牖。客來何物可掩留。有有有。有。淡製新茶。薄烘乾荔。舊筍釀酒。列坐清談久。茶罷還須酒。酒闌客醉可歸歟。否否否。待月穿花看雲籠。竹猶堪攜手。

百媚娘

茉莉

門掩夕薰人靜。簾外鬢華光映。茉莉一名鬢華欲滴水痕憐。蒂竝朶朶玉纖拈定。申就步搖珠葉瑩。重喚開妝鏡。

名家詞鈔

紫雲

六

素豔幽姿相稱。月上碧紗移影。簪向流蘇鮫帳底。半挽綠鬟香迸。最是銷魂中夜醒。鴛枕梨雲冷。

風入松

初秋訪蘭次靈山道院用韜汝韻

紅橋瀉雨響流泉。繫馬翠陰偏。主人倒屣拋書卷。霏妙論玉潤珠圓。篆鼎香飄金鴨。筆牀花拂鈿蟬。芙蓉詩體逼臨川。落紙起雲烟。脫巾挽袖浮芳茗。誇雞露未損囊錢。蘭次法製雞露點茶杜牧孤村前夢。東坡鶴觀當年。

年

傳言玉女

梔子花

濃綠垂陰。盡日鶯慵燕嬾。瑤英香汎。正桃笙夢轉。清標獨倚。似悵玉京人遠。林蘭孤擅。不矜時艷。薰灼炎天。抱水姿有誰戀。溫柔茉莉。默結同心。怨籠烟帶。雨淚滴蟪胎珠。濺相思長在黃昏庭院。

江城梅花引

聞笛

何人三弄隔江湄。調幽悽。意幽悽。斷續飛聲。隨月度。窓西篆欲成。灰燈又暈。傷往事。恨悠悠。是別離。別離別離。悞花時。碧連堤。錦香帷。盼也盼也。盼不到。和夢都迷。幸負紅愁綠怨。小鶯啼。縱有楊柳堪折。取畱青眼。倚東風。待阿誰。

名家詞鈔 紫雲

七

滿庭芳

甓園夜坐

隔市林園。依家亭榭。閑中涉趣偏長。虛檐人悄。翠影落新篁。暮簷烟庭屐遍。交枝徑不斷。生香會心處。滿身明月衣。露淨琴張。清狂。揀不事。籌花春社。鬪酒歡場。任簾轉。桐陰夢穩。藜床簾外。松濤聲脆。待消受。碧椀旗槍。螢燈閃。兒曹紙筆。忘却是他鄉。

天香

龍涎香

花樹風寒。玉淵月暝。眠迴尺木初醒。番舶收帆。鈿奩

擁沫蔽麝杵勻芳餅。靈雲潤雨。儘賁向博山仙鼎。鳳
炭微溫篆。裊蝦鬚半鈎人靜。翠被餘馨猶在。奈琉
璃賜盤空剩。謾憶青綾曾直。紫羅重整。寂寞當時荀
令。嘆縹緲頭御烟迴粉堞。山樓空。違畫省。

倦尋芳

舟泊百家村遊蕭氏廢園用夢窓韻

征橈倦艤。吟屐閒尋。麥畦趁燕。窄徑沙傾。簌簌冷風
吹面。種芰池荒。蛙部鬧。藝蘭圃潦。牛涔見。試憑臨。望
孤村似帶。澄江如剪。傷佳構。平泉辛苦。奇石名葩。
錦檻移徧。舞扇歌衫。昔日漁樵曾看。殘榭烟凝。秋草

名家詞鈔

紫雲

八

碧舊樓人送春山遠。正淒涼。又殘鴉數聲飛散。

瀟瀟雨

落葉用江湖載酒詞韻

濃霜凋晚樹。訝蕭蕭散錦。滿長堤。正楓灣小泊。篷窓
獨掩。颯杳增悽。驚起沙頭鴈陣。亂繞葦叢啼。况是飄
零客。不耐孤栖。遙念香幃此夜。任風敲箔外。影墜
欄西。儘題紅句就。欲寄倩誰攜。嘆浮踪東南無定。似
秋風渭水。撲塵迷行歸矣。擁松爐臥休舞聞雞。

瑣窓寒

雨中懷友用張玉田韻

疎榭窺紅迴廊蔭碧。小欄空。凭雲愁雨峭。消受水沉

猊影訝東風。開到梨花寒。香猶沁綃衣冷。漫簾帷低
下。防他乳燕。翠衾沾盡。泥潤沿苔徑。嘆蔣竹成林。
誰烹陸鼎。剪燈擘句。待寄故園芳信。甚浮踪水珮烟
槎。尋盟辜負鷗鷺等。儘深宵。漸瀝西窓。夢憶巴山穩。

百字令 山陽懷古

淮流東下。舊時月。又到女墻深處。寂寞王孫空蔓艸。
何況小山桂樹。臺畔綸竿。雲中雞犬。轉盼埋烟霧。江
光如故。翩翩過盡鷗鷺。非不武。似淮陰。文如枚乘。
究竟成朝露。伎倆才華。都使盡。那得天公比數。玉笛

名家詞鈔 紫雲

九

空吹酒壚。何在淒惻。山陽路。丹楓白鴈。楚天正值秋
暮。

前調 夏夜

天街雨洗。看炎雲初歛。乍傳清柝。藤枕桃笙。殘夢後。
瓊腕金環。懶約罷浴。芳蘭斜簪茉莉。香霧雙鬟。薄冰
紈扇。撲流螢。輕點苔落。回首燈夕。傳柑花朝。鬪草。

光景都如昨。溽暑蒸人。能幾夜。皓月清風。簾箔玉塵
停。揮茶烟半裊。靜裏千愁。卻銀河低轉。早鴉飛過池
閣。

鬱孤遺蹟對雙流。激浪千巖寒色落。日憑高回首處。俯仰謾傷疇昔。坡老材華。勿安旌節。百代同爲客。風流何在。至今葭露空白。聞道翠玉高樓。慈雲蕭寺。可費登臨屐。幾度虎頭城上見。惟有叢篁怪石。南國鄉心。東華塵夢。恨起滄浪笛。蓬萊官闕。蒼茫渺在天北。

瑤花鶴

丹眸星皎。紫頂烟凝。更皜衣霜淨。秋高緱嶺。清露零。

名家詞鈔紫雲

十

縹緲鳴臯初警。空山闌夜。有蕙帳幽人。驚醒聽寒聲。和徹瑤笙。未管滿身疎影。凌霄愛出塵寰。嘆悞逐軒車。氈毳難整。芝田路迥。懷故侶。空隔陵奩。荷鏡縱歸華表。便城郭參差。誰省想說殘仙語。星星應向雲藍高騁。

水龍吟白蓮

炎風不到瑤池。亭亭玉立矜高潔。凌波微步。靚粧初洗。膚神冰雪。太液烟清。湘臯露冷。無言淒絕。似飛瓊。暫謫人間。誤到。搵鉛淚。愁難說。丰韻妖紅。全別映。

青銅盈盈嬌。靨盟鷗心苦。弄珠腕弱。苧殘涼月。粉艷
千枝。波明難認。聞香偷折。怕驚秋素女。乘鸞空。臘翠
華千疊。

齊天樂 蟬

園林過雨。喧遞了。重重翠陰成幄。蛻化蝓痕。魂銷雀
影。幽恨齊宮依約。冰絃欲訴。奈露冷風高。鬢寒綃薄。
盼盡庭柯。殘聲曳向別枝落。故園嘉樹小閣。記綠
沉半掩。黑甜初熟。抱月吟秋。伴螢泣夜。幽夢幾迴驚
覺。文通漸老。嘆往事無憑。珥寒貂玉。謾擘冰箋。寫懷
都寂寞。

名家詞鈔

紫雲

十一

春從天上來

庚申元夕

雪霽天街看寶馬。鈿車碾破香泥。蟬紗堆巧。豹髓燒
奇。主家奴子爭携。聽秧歌鬧處。早腰鼓百戲催齊。喜
今宵是箭停銀鏃。鑰敞金蕤。留連太平景色。儘巷
過香風。人拾鸞篋。瑤鏡將斜。粉粧未散。遊踪半在城
西。嘆東華塵土。廿年清夢。此時迷。謾低眉。雲標將遠。
日近當思。

西陵草短。南屏霜重。登臨客思方賒。江湧銀鰲。潮喧鐵馬。千年洗盡繁華。落日岸烏紗。危欄空拍遍。幽恨無涯。葛嶺樓臺。吳山宮殿。有啼鴉。當年競鬪豪奢。任玉津載酒。翠舫迷花。栢樹墳高。木綿人去。獨松亂起。鳴笳。鳳舸擁官娃。明湖歌舞路。冷浸雲霞。惟見孤山。一輪明月照梅花。

丹鳳吟

鸚鵡

夢繞屏山初覺。雪點朱籠。風搖銀鑰。分明嬌語似訴。輕寒池閣。從辭漲海。乍依雕檻。綺翠裳凋。茜紅襟薄。

名家詞鈔

紫雲

上

促向綳帷試煖。橘煖柑肥。織手香霧親剝。鸚鵡出南海北地病

寒餽以紅柑卽愈

錦瑟麗詞譜就。更教慧舌頻念着。密意

傳官徵。但檀郎聽處。吟弄休錯。金釵揀賭。乍是玉楸聲落。切打鴛鴦愁未勝。早爬翻雙角。滿斟碧醴。還爲儂賦卻。

沁園春

題王山長小照

可愛斯人。道心標映。明臚善揚。羨風流儒雅。楚天宋玉。聲華門第。江左王郎。叢桂千枝。芳蘭九畹。馥烈河芬。舊講堂。巨齋靜。看編搜墳索。絃鼓瀟湘。畫圖新

出裝潢。但掩卷停琴。思更長。想凌雲空奏。無媒金馬。
元音獨賞。聊學柴桑。著冷朝餐。羶寒夜坐。白眼青樽。
老更狂。堪沉醉。有陸潘江海。李杜光芒。

賀新涼

夏日小集縣圃用坡公韻

垂柳藏金屋。遶園林。迴塘過雨。翠條新浴。風颭圓荷。
珠露墜。驚起一雙屬玉。正滿樹荔枝初熟。折柬招來。
公瑾侶。譜清歌。按就紅雲曲。好付與。絲和竹。雪兒。
低唱。眉兒蹙。有鈿箏象管。輕倚一時稱獨。促節繁聲。
殢人處。那惜吳綾千束。勸倒盡金樽。寒玉戲折取。鮫。
囊掛向。鸞釵共寶鬢。相觸。環珮響。顛簌簌。

名家詞鈔

紫雲

十三

摸魚兒

蕙

麴波平淨。浮新碧。蔚藍遙挂天鏡。荷錢乍點。蒲根嫩。
翠匊玉絲寒瑩。憑欄處。見越女携筐。款款浮烟艇。驪。
龍未醒。好將取柔鬚。水涎溜滑。酪乳應羞竝。淒。
韻金剪春纖。乍冷仙廚。漉歸銀鼎。流匙雅稱鱸羹美。
潦倒步兵佳興。難重省。謾回首。西冷正柳疎。花暝同。
心采結算蘇小。門荒何時一葉。拂碎綠千頃。

春風嫵娜

暮春江海齋蛟門東川招集邸齋話別

正泥融乳燕。柳暗啼鶯。酥雨潤。揀風清。恰雙江。鵝首
征帆欲指。三珠堂上。折柬相迎。佩贈將離。酒歌桑落。
勸盡金尊。唱渭城。懊惱桃花潭水淺。多君千尺。是深
情。此去長安漸遠。燕雲蘄樹。舊游夢迴。首堪驚。燃
藜閣草。依亭歌詞。錦瑟何處。重聽十載神交。新知更
樂。一官竟出。別思旋生。關心萬事。最魂銷腸斷。落花
時節。春草王程。

多麗

西湖春泛

正韶光佳麗。好春三月。向平湖。携琴載酒。小舟輕蕩。

名家詞鈔

紫雲

十四

蘭葉拂清波。燕拋綵剪。度垂楊。鶯弄簧舌。杏雨泥乾。
榆烟嵐濕。兩峯南北。翠屏千疊。看遊冶。鈿車寶勒。盡
往西泠發。算此際。尋芳拾翠。未輸蜂蝶。信棠檝。拂
開冰鏡。花港閑觀。朱鬣鬪娉婷。玉香珠艷。喧笑語。紅
嬌粉怯。柳外鴉迴。若邊鷗。返繁絲。脆管聲初闕。漸依
約。錢塘歸路。夕照昏城闕。須揀飲。美景良辰。莫教虛
設。

玉女搖僊珮

爲吳蘭次壽馬少君

金床僊妹絳帳名姬。早近中林。蘭蕙牙籤。三雙緋衣。

一色異采。喝成奇儷。睂畫春山細。更浣花清思。猜琴
妙慧。自甘共扁舟。范蠡消受五湖。鰕菜風味。團扇舊
因緣。經卷茶爐。年來活計。夫子狂游玩世。醉月尋

詩沽酒。鷓鴣頻詭。遙集佳兒。熊丸繡襖。曾把玉纖親
製。况宅連吳水。看桐露秋淨。銀灣如洗。見說是朱顏
綠鬢。傳瓜瓞。脯閒來慣與麻姑戲。神丹半劑。曾分未

六州歌頭

九日醴集望江樓同韜汝弟賦

天空木落。霜葉滿城隅。剛泛菊。遇佳節。興來招客携
壺。傑閣臨江起。夾雙水。如明鏡。環睥睨。迴鴈鶩。繞菰

各家詞鈔紫雲

十五

蒲。來往風帆可數。烟波接楚粵。闔吳更。崆峒突兀。
山色滿平蕪。遊跡當初駐。鬢蘇。向登臨處。休再問。塵
外句。有還無。摩粉壁。看古蘇。損泥塗。謾長吁。且盡一
樽酒。開笑口。未爲愚。新月出。吾醉矣。任蕭疎。短髮
西風亂拂。欹烏帽。莫倩人扶。試問強健者。後會可能
乎。細看茱萸。

因辭盛味茶餽平來前情 夫子此意其世類民

妙慧自甘共扁舟 范蠡消受五湖鰕菜風味團扇舊

一色異采喝成奇儷 睂畫春山細更浣花清思猜琴

曹秋嶽溶曰。菌茨粵游歸。艷稱雁水新詞。開八閩

風氣。恨不得賺全璧捧咏之一葉湖上。飛濤出示手抄一帙。時方盛暑。科踞梧陰。璧月未沉。銀灣乍瀉。不覺神怡心曠。菌茨之嘆賞。洵然。

陳緯雲維岳曰。雁水先生閩地發源。溫陵振跡。三

葉則上卿延譽。雙丁則才子名家。各體俱工。填詞兼擅。珊瑚架筆。色絲黃絹之題。玳瑁爲簪。流水高山之韻。語其奇麗。散天半之朱霞。譬此清真。舞雲間之獨鶴。陽春白雪。郢中之逸唱。齊停。

名家詞鈔紫雲

十六

皓齒朱顏。一代之佳人竝老。洵足使溫韋咋舌。姜史灰心者夫。

朱竹垞彝尊曰。晉江先生。分巡贛南。構甃圍於官

廨。且於層波之閣。入境之臺。携賓客而倚聲酬和。成紫雲詞。流播南北。益兼宋元人之長。將與其詩竝傳矣。

兄飛濤澎曰。詞取紫雲。自擬杜牧。余兄弟皆白頭

老子。豈尚有綠樹成陰之美。不過狂言驚四座而已。雁水輾然笑曰。實獲我心。

